


BAHEBRAYO, CHIPATI CACILOBA ¹

 . . . masiku, akumvwa Joyce kaimba. Sena mwakalizi kuti ayo maleele muli lwawo? Oyo musimbi muniini, ino inga wayeeya buti zyonse ezyo? Elyo busiku abumwi walo ujisi lomwe lupya kuli ndiswe. Inga waa yeeya buti zyonse ezyo, oyo mupampu ncobeni muniini. I Mwami amu longezeye oyo mwana.

² Lino, juunza, aa tuu theeti, ku ng'anda ya dilwe mu Charlestown, Indiana. Mucizi wesu, uyandwa wakatusiya, Mucizi Colvin, tuyo mupa kulemeka kwa mamano, ku i—ku ng'anda ya dilwe a ku cuumbwe, juunza isikati. Umwi wakali kupona ciindi cimwi mbuli ndinywe sunumasiku, nkabela wa kaindilila cisitilizyo oko nko muyakuba ciindi cimwi. Elyo bonse abo bayanda kuyo janika ku kuswaangana, baa, muli tambidwe kusika. Luyooba lugwasyo lupati ncobeni ku mukwasyi wabana Colvin, kuziba kuti cikombelo okuno, oko boonse nkoba kali kuunka ku mbungano kwa ciindi cilamfu, abumwi bumbi, bayo. . . Inga twa botelwa kuba andinywe kusika. Elyo Ndi yeeya kuti i. . . Mukwesu uyandwa McKinney, oyo waka kambauka adilwe lya mukwesu, myaka minji yainda, ujisi cibeela cipati ca dilwe, elyo Nda kalombwa kusika a kumu gwasya mu i—mu milimo ya dilwe.

³ Lino, Ndali mukide aniini, sunumasiku. Ndi jisi zibulo zinji loko mu mulilo, Ta ndiziyi nzila ya kutola. Kuli kwiitila kunji loko, a zya pwayauka ezi a ntenda, a bantu kabaita kuti, boola. Mane, Nda kazwa buyo mu Louisville, ziindi zisyoonto zyakainda, kujokela okuno cakufwambaana, a kusiya kwiitilwa kusyoonto oko kubinya ncobeni akweelede kubambwa, Nda yeeyela, nekuba, sunumasiku. Elyo lino amu tukombele mbuli mbo tweenda munzila.

⁴ Elyo kuseeni oku Nse—Nse manizya cibalo cangu—cangu, ku chipati ca Bbuku lya—lya—lya Bahebrayo. Elyo kuciindi notu vununa kuli ncico, sunumasiku, Ndi yanda kwaambilizya makani aa muswaangano wa Mukwesu Graham Snelling, kutala ku tente okuno, kumamanino a Kagwagwa ka Brigham. Ikuti na Mwami wayanda, Ndi yanda kujokela masiku Bwatatu. Elyo okuya tuyo bamba busiku bumwi mbo tuya kwiinka mbuli baiminizi, eyi mwiki ciindicimwi, kuyo swaya Mukwesu Graham mu muswaangano. Elyo walo uu. . . waamba kuti, “Uli mukuba abbunga bbotu.” Elyo—elyo uyo kulumba kusika kwesu, ku lugwasyo olu. Mukwesu Graham Snelling, kufumbwa wanu uyo janika ku muswaangano, na kuyanda, nku mamano buyo aa Kagwagwa ka Brigham kutala okuno. Uli onse inga wa kwaambila nkoubede. Nkoonya kumamanino a mabbuwa lya kusobanina, tente lili yakidwe. Ula kulumba kubelekela amwi nko mujisi. Nkaambo, mbuli cikombelo twa kasyomezya

kubekele aamwi nko tujisi kuli nguwe, cakumaninina, aboobo tu sola kugwasya.

⁵ Lino, mpawo twa boola buyo ku busena, na Mwami wayanda, ku chipati ca Bahebrayo, mu masiku masyoonto, ikuti na Leza wayanda, elyo awo Ndi yeeya kuti tuyooaba a ciindi cipati acalo.

⁶ Oh, Mwami wa tulongezya kuseeni ooku mu nzila mbotu maningi, obo Mbwa tila Muuya Wakwe ali ndiswe! Elyo lino, sunumasiku, tu langila Nguwe kucicita alubo; elyo mpawo masiku Bwatatu, akuyabuya. Elyo—elyo masiku ayo nge Nta noliko, Mukwesu Neville unooli okuno ku cibweza ncobeni, ikuti na Nse nooliko.

⁷ Nse kazyi eco Nce cakali kuyo cita, inga konooli okuno oora eli, a oora limbi kwiitilwa ku California. Mwabona, to zyi oko Mwami nkwayo kutuma. Nke kaambo ncecili ciyumu kuli ndime kubamba matobelanwa aa milimo a kwaamba kuti tuyo—tuyo cita *boobu-a-boobu*. Inga ndatalika kucita cintu cimwi, Mwami uyo ndituma kubusena bumwi bumbi. Mwabona? Aboobo ta tuzyi buyo eco Ncaya kucita. Pele, “Ikuti na Mwami wayanda,” tu kwaamba. Elyo Ndi yeeya kuti twa katumwa, na kulaililwa obo, mu Bbaibbele, “Ikuti na Mwami wayanda, tuyo cita zintu zili *boobu-a-boobu*.” Aboobo ikuti na twa citika kubamba zipangano nzo. . . na kuzulizya zipangano, ndiza tula limvwa kuti Mwami takali kuyanda kuti cicitike.

⁸ I buzuba bumwi, twa kajatwa, Mukwesu Roberson a Mukwesu Wood a lwangu. Elyo twa kalibuzya, “Nkaambonzi?” Katukkede alya, kulanga ku maapu, kuselemuka ncobeni, elyo twa keenzya mamaile ali makumi osanwe kujokela ncobeni kutozya kunyiika alubo aa mugwagwa. Elyo Nda kali kweenda aa mugwagwamupati kuzwa Ne kali kutandila myaka ili kkumi ayone yakukomena. Elyo Nda kalibuzya nzila Mbwe kasola kucicita. Twa kaliimvwi alya, tonse totatwe. Twa keenda mu migwagwamipati. Kulangide nkoonya ku maapu, kuyabuya aa 130, kubola mu Illinois, a kunyona kusyooonto, muku taziba kuti zuba lyakali musule Iyesu mubusena bwakuba kumbele. Twa kali kuunka kunyiika mubusena bwa ku musanza. Elyo cintu citaanzi mulizi, kazabuka mugwagwa, Nda kati, “Oyu tauli mugwagwa ululeme.” Kalanga ansi alya, elyo kuboola kuziba kuti, twa kali mamaile ali makumi osanwe kuzwa munzila. Kaunka ncobeni kujokela. . .? . . .

⁹ Mpawo cindi ni twa kajoka, twa—twa kali kwaambaula. Nda kati, “Mu lizi na kaambo? Tu. . . I Mwami kwayanda wa tuleesya mu nzila eyo, kutu tantamuna ku ntenda mbyaabi anselelo awa abusena bumwi, eyo yakalino cita cintucimwi nzila imbi. Tu lizi kuti zintu zyonse zila beleka antomwe ku bubotu kuli baabo bayanda Mwami. Nko koonse nko tweelede kubikka mu mizeezo.”

¹⁰ Lino, sunumasiku, lino tu talika ciiyo cakwiiya ciniini. Elyo ikuti na Ndili. . . Nse yeeyi kuti tula sika ansi, ndiza tula cita sunumasiku, ku. . . Eci nchipati cilemu ca kwiiya aa zimanyakkumi, ku mbungano. Alimwi nciyo cilemu, eco nco tukonzya kukkalila kwa mvwiki a mvwiki, aa cintu eco comwe, nzila Abrahamu mbwa kapa kwa kkumi kuli Melikisedeki, akuti na nciyandisi.

¹¹ Sena eyi faani inyonganya umwi kusule oko? Sa inga mwasala kwiizima? Ikuti na inyonganya umwi, kuunga mu busyu bwabo, kufumbwa imwi ya mafaani. Ikuti na ilacita, amu tambike buyo maanza anu. Elyo, na amu tume umwi wa ba maasha, amu tume muntu umwi ku mukwesu awa, uyo izimina ndinywe. Elyo Ndi baanga ndaizima kuli lwangu; Ndi mvwa kupya elyo Ndi zwa nkasaalo, mpawo, cintu citaanzi mulizi, Ndi—Ndi baa jwi lyaangide. Aboobo, ilali ndinywe, aboobo tii kondipenzya munzila imwi. Tu yanda kulikwaya kabotu lino.

Ta tuko sola kumumanina ciindi canu cinji, pele tuyo unka buyo kugama mu Ijwi. Elyo tatuna kucicita, atu kanane kuli Mukamwini asyoonto buyo.

¹² Lino, Taata Wakujulu, ta tuzi eco cili mu ciyobwedo. Pele cintu biyo nco tuzi, a kulamya, nkuti zintu zibotu zili bikkidwe kunembo lyesu. Nkambo kuli lembedwe, “Meso taana kubona, naanka matwi kumvwa, nkuba kunjila mu myoyo ya bantu, eco Leza nca bambilide abo mu ciyobwedo, abo ba Mu yanda.”

¹³ Elyo twa lomba kuti Uyo jula mpulungwido lya Julu sunumasiku, mu butala Bwako, a ku tupa Ijwi Lyako, kutegwa kukabe ceelela, cintucimwi ca kuyungizya lusyomo lwesu mbuli Banakristo, a kusitikizya kapati—kapati mu Makanimabotu, kwiinda mbo twabede cindi ni twa boola mukati. Ko cipa, Taata. Akube kuti Muuya Uusalala ubweze Ijwi lya Leza aku Lipa ku moyo wa umwi mbuli mbo tubulide. Mu Zina lya Jesu, twa lomba, Mwana Wako uuyandwa. Amenii.

¹⁴ Lino, kuseeni oku, mu kusiya kampango kamamanino ka chipati ca 7.

Walo sikusolola waka njila nkambo ka ndiswe, naba Jesu, waka bambwa kuba mupaizi mupati walyonse, mu ncililano ya Melikisedeki.

¹⁵ Lino tula bala tumpango totatwe tutaanzi, na tumpango tobilo tutaanzi, na tumpango tobilo tutaanzi, mubwini, twa chipati ca 7, kutegwa tu konzye kotalika mpoonya awo.

Nkambo oyu Melikisedeki, mwaami wa Salemu, mupaizi wa Leza sijulu lya majulu, oyo waka swaana Abrahamu kajoka ku kujaya bami, a kumu leleka;

Kuli nguwe awalo Abrahamu nkwa kapa cipanzi ca kwakumi kwa zyoonse, (nzeezyo zimanyakkumi zyako); lutaanzi ku bupanduluzi bwa Mwaami wa

bululami, . . . mbuli obo akwalo Mwami wa Salemu, wuli ngu, Mwaami wa luumuno;

Utakwe wisi, utakwe banyina, utakwe mukowa, . . . naaba matalikilo . . . amu kutaba a matalikilo aa mazuba, nanka magolelo aa buumi; pele wakabambwa mbuli Mwana aa Leza; ulakkalilila kuba mupaizi wabuya myaaka.

16 Ino nkaambo kabotu! Lino tula yandika kupilukila mu Cizuminano Cakale, ku kuvumbulula ziyandisi. Elyo, oh, obo Mbwe ziyanda!

17 Nywebo mulizi, okuya mu Arizona, twa kali kuvwentauzya vwentauzya makani aanyika. Elyo twa kali kunga twanjila mu busena bwakali kuboneka kabotu, Ba. Mc Anally a ndime. Elyo twa kali kubona busena awo mpo bwakali kukozyanya, mu zidindi ziniini, oko kwa kalikukunka, nzi baita kuti, “zitekelela.” Elyo Nda . . . Wa kali kunditola ansi akundi citya kukumba musenga a “fyuu,” kuu fulida. Mpawo kukuba a “fyuu,” kuu fulida. Alimwi Nda kalibuzya nkaambo nca kacitila ceeco. Kuboola kuziba, nywebo mulizi, cindi wa fulida musenga, uyo ubuka. Elyo oonse, nokuba kuli liidi, muuba kwiinda ngolide. Ngolide ilalema kwiinda liidi. Aboobo cindi wa fulida, loonse lubulo lumwi a musenga a tombe ziyo pupuluka, pele ngolide icinoli aansi. Nkikaako, ikuti na wajana kutekelela amwi kuzwa atala *awa*, citondezya kuti mukondo wa mubala wandeene wa ngolide amwi atala alya. Eyi mvula yaka kukula tubeela otu toonse. Aboobo mpawo tubweza mapiki azimwi zimbi, a kusya cilundu, kutandila, kusola kujana eyi ngolide. Migodi mu nyika, kwiisya. Kubikka cibbotola, kubbotola kuyaansi. Kuzumana kubbotola tuzila twaansi, kuyaansi mane twa kajana, ku jana musyobo wini umwi. Lino, oko nko twiita kuti “kuvwentauzya vwentauzya makani aanyika.”

18 Elyo sunumasiku tu soleka kubweza Ijwi Iya Leza, aku Li belesya ku nguzu zya Muuya Uusalala, a kifulida kululauka koonse a kuzumbauzya kuzwa kuli ndiswe, ezyo zintu zyonse ziniini zyuubaaba ziteteete zitakwe ntalisyo imwi, zitakwe mpindu imwi mu buumi bwesu, tu yanda ku zifulida zyonse kutegwa tu jane oyu Musyobo wabulemu. Oyo Musyobo wabulemu ngu Kristo.

19 Elyo lino Leza aatu gwasye mbuli mbo tubala a kwiiya mu Ijwi Lyakwe. I machapita, ainda otatwe amamanino, atandila, ngo twali kukanana kumvwa, buyo kuzwa ku ciindi aciindi, Melikisedeki.

20 Lino, Ndi yeeya kuti Paulo upa bupanduluzi bululeme.

Nkambo oyu Melikisedeki, mwaami wa Salemu, . . .

“Mwaami wa Salemu.” Alimwi kufumbwa sicikolo wa Bbaibbele ulizi kuti Salemu kaindi yakali kutegwa...

Jerusalemu kaindi yakali kutegwa “Salemu.” Elyo Wa kali Mwaami wa Jerusalemu. Amu Mulangilile.

...mupaizi wa Leza sijulu lya majulu, (ngu sikukombelezezya), oyo waka swaana Abrahamu...

Ndi yanda kubweza mizukulu Yakwe, oyu Muntu mupati, kutegwa muzibe kuti Walo Nguni, lutaanzi, elyo mpawo nywebo... tuyo zumanana a kaano.

...kabweeda kuzwa kukujaya bami, a kumu longezya;

Kuli nguwe...Abrahamu wakapa cipanzi ca kwakkumi...lutaanzi...ku bupanduluzi kuba Mwaami wa bululami,...

Lino amulangilile, “Bululami.” Lino, tu jisi bululami bwakuli bambila, tu jisi bululami bwakuli cengeezya, tu jisi bululami bwaka pilinganisigwa, misyobo yoonse. Pele kuli bululami bomwe ncobeni, nkabela obo mbululami buzwa kuli Leza. Elyo oyu Muntu wakali Mwaami wa bululami. Ino Wa kali nooba ni?

²¹ Lino, Wa kali Mwaami wa bululami, Mwaami wa Jerusalemu, Mwaami wa bululami, Mwaami wa luumuno. Jesu wakali kutegwa, “I Sibwami wa luumuno.” Alimwi sibwami walo mwana wa mwaami. Aboobo, oyu Muntu wakali Mwaami wa luumuno, mpawo Uyo elela kuba Taata wa Sibwami wa luumuno. Mwa cimvwa? [Mbunga yaamba, “Ameni.”—Mul.]

²² Lino atu bone, kujana mizukulu Yakwe kuyaambela aniini, kubona oko nko tuya.

Utakwe wisi,...

Lino, Jesu wakali jisi Wisi. Sena mula syoma obo? [Mbunga yaamba, “Ameni.”—Mul.] Ncobeni Mbwa kabede.

...utakwe banyina,...

Jesu wakali jisi banyina. Pele oyu Mulombwana taka jisi wisi nanka banyina.

...utakwe mukowa,...

Ta kajisi naba omwe Nkwa kazwa, mukowa umwi. Wa kali obo lyoonse. “Uutakwe mukowa.”

...muku taba a matalikilo aa mazuba,...

Ta kajisi ciindi cimwi Nca kasola kutalika.

...nanka i magolelo aa buumi;...

Ta kakonzya kuba umbi cita Leza. Nku konse Nkwa kakonzya kuba.

²³ Lino, lino ikuti na muyo bona mbuli mbo tubala kampango katobela. Mwabona? “Lutaanzi, ku bupanduluzi, Mwaami wa bululami.” Awo tali mpo Ndi yanda kucifa. I—i kampango ka 3:

. . . nanka magolelo aa buumi; pele wakabambwa mbuli Mwana wa Leza; . . .

Lino, Ta kali Mwana wa Leza, nkambo, ikuti na Wa kali Mwana, Wa kali jisi matalikilo. Alimwi oyu Muntu taka jisi matalikilo. Ikuti na Wa kali Mwana, Wa kacita kuba wisi a banyina. “Elyo oyu Muntu taka jisi wisi nanka banyina. Pele Wa kabambwa *mbuli ku Mwana wa Leza.*”

. . . ula kkalilila kuba mupaizi buya myaaka.

²⁴ Lino, Dr. Scofield usola kwaamba, kuti, “Bwa kali bupaizi, bwakategwa, ‘I bupaizi bwa Melikisedeki.’”

Pele Ndi yanda ku mubweza ali ceeco kwa maminiti masyoonto. Ikuti na bwa kali bupaizi, mpawo bwa kacita kuba a matalikilo, alimwi bwa kacita kuba a magolelo. Pele, “Oyu taka jisi matalikilo na magolelo amwi.” Alimwi ta kaamba kuti wa kaswaana bupaizi. Wa kaswaana Muntu, akwiita Zina Lyakwe kuti “Melikisedeki.” Wa kali Mwaalumi, kutali kabungwe, kutali ii—ii—ii bapaizi na ciimocataata. Wa kali Muntu nconzyo wa Zina Iya Melikisedeki, oyo wakali Mwaami wa Jerusalemu. Kutali bupaizi, pele Mwaami uutakwe wisi. Bupaizi tabu jisi wisi. “Elyo oyu Muntu waka kajisi wisi, kajisi banyina, kajisi matalikilo a mazuba na magolela a buumi.” Lino, Mwana wa Leza. . .

²⁵ Wa kalini oyu, oyu wakali Jehova. Oyu wakali Leza Mwini Singuzuzyonse. Ta kakonzya kuba umbi.

²⁶ Lino amubone, “Ula kkalilila lyonse.” Uli jisi bumboni awa, kuti, “Ula pona. Ta fwi.” Ta kajisi. . . Ta kali cintu cimwi pele uupona. “Ula pona lyonse.”

²⁷ Lino, Jesu waka bambwa, kozyanisigwa kuli Nguwe. Lino, kaambo ncokuli lwandaano akati ka Leza a Jesu: Jesu wakali jisi matalikilo; Leza taka jisi matalikilo. Melikisedeki taka jisi matalikilo nkabela Jesu wakali jisi matalikilo. Pele Jesu waka bambwa, kozyanisigwa kuli Nguwe. “Ii mupaizi, ukkalila lyonse.”

²⁸ Lino, cindi Melikisedeki wakali aa nyika, Ta kali cintu mu inyika pele i—i Jehova Leza waka yubululwa ku bulenge, Wa kali okuno mbuli theofani. Abrahamu waka Mu swaana lomwe, mu tente lyakwe. Elyo mbuli mbo twaamba kuseeni oku, “Abrahamu waka Mu ziba. Alimwi Wa kaambila Abrahamu eco Nca kali kuyo cita, nkaambo Ta kali kuyo siya swaana wa inyika kofwaala ku zintu Nzya kali kuyo cita.”

²⁹ Kwayanda Ndi ime awa asyoonto, ku kwaamba, Leza ucijisi muzezo nguonya kujatikizya Mbungano Yakwe. Ta muli bana ba mudima. Muli bana ba Mumuni. Elyo i. . . swebo notu. . . “Balacoolwa abo babombe, nkambo bayo ikona nyika.” Alimwi inga Leza, Oyo wakacita kuli—kuli Abrahamu, oyo wakali kuyo kona nyika. . . Elyo Wa kati, “Nse kasisa zintu kuzwa ku muntu

uyo kona nyika.” Kuyo inda buti kuli Ncayo yubununa maseseke Akwe ku Mbungano Yakwe eyo yakali kuyo kona nyina!

³⁰ Danieli wakati, “Ku buzuba obo baya kuzuza konse, luzibo luyo indila.” Elyo wa kati, “I basongo bayo muziba Leza wabo, ku buzuba obo, nkabela bayo cita mu kuzwidilila mu buzuba obo. Pele babi taba kamu zibi Leza wa Julu.” Bali Mu zyi mu ciwa a mu cilengwa mbuli ciiyo cesu citaanzi mbo caamba, pele taba Mu zyi kwinda ku nzila ya bulondosi.

³¹ Elyo Leza ukonzya buyo kubeleka kwinda mu bulondosi, nkaambo Walo Mbulondosi. Lilelekwe Zina Lyakwe. Weelede kuba mukondo ulondokede oyo Leza ngwa belekelamo, nkaambo Ta konzya kucita cintu cimbi cita kubeleka kwinda mu bulondosi. Ta konzyi kulibisya Mwini mu nzila ili yonse. Elyo mpawo nke kaambo Jesu nca kasikila kuzo gwisya zibi zyesu, kutegwa katu londoka, kutegwa Leza kakonzya kubeleka kwinda mu Mbungano Yakwe. Mpaawo maseseke mpabede.

Mpaawo inyika mpo yofweede. Mpaawo mpo bayanda kwaamba, kuti, “Wa kasondoka.” Mpaawo mpo bayanda kwaamba, “To zyi eco nco ambaula.”

Nkaambo, “I zintu zya Mwami nzya bufuba ku busongo bwa inyika eyi. Pele zintu zya inyika nzya kunyama ku musyomi.” Aboobo, uli muntu wiimpene, upona mu cilao candeene. To cili wa inyika eyi. Wa kazwa ku buumi obu kunjila mu Buumi bupya.

³² Nkikaako, Leza ulayubununa, kutali ku inyika, kutali kuli siluzibo kwakulilemeka kwa mizeezo, kutali ku bakutausi bayiide, pele ku moyo mubombe. Bantu bakwe abo babombe, Uyo yubununa maseseke a zintu zya Leza zipati, kuli mbabo. Nywebo mwa cibona? [Mbunga yaamba, “Ameni.”—Mul.]

³³ Lino, lino Abrahamu wakali sikukona inyika. Kwinda i . . . Lunyungu Iwa Abrahamu akali masi onse akeelede kulelekwa. Aboobo Leza wakaseluka a kwaambaula kuli nguwe, mu ciwa ca Muntu.

Lino, Leza lyonse wakali a nyika. Leza tana kwiisiya nyika. Ikuti na Aka sole kusiya nyika, Ta ndizi eco ciyo citika kuli njiyo. Pele Leza lyonse wakali waano mu ciwa cimwi. Oh, lilumbwe Zina Lyakwe!

³⁴ Wa kali antomwe abana mu nkanda, kabazwa mu Egepita, mu ciwa ca Mumuni. Wa akanana kuli Abrahamu mu ciwa ca Muntu. Wa akanana kuli Musa mu ciwa ca Muntu. Wa akanana ku Mbungano mu ciwa ca Muntu, Mwana Wakwe, Kristo Jesu.

Alimwi Ula kanana ku Mbungano Yakwe sunu, kwinda mu Mbungano inanikidwe ya Leza muumi, kwinda mu zilongo zya bulongo. “Muli mitabi. Ndili Musaansa wini.” Leza ucikanana, alimwi inyika ila mubona Jesu mbuli mbo Mu mutondezya. Eyo nje nzila inyika mboibona . . . “Muli magwalu, abalwa abantu boonse.” Buumi bwako bulungulula mbobede.

³⁵ Lino, oyu Abrahamu wakali mu lweendo lwakwe, kabweeda. Tula jokela a kubala kujatikizya nguwe asyoonto buyo, mu Bbuku lya Matalikilo. Mu chipati ca 14 ica Matalikilo, Nda syoma ncico. Oh, obo kaano mbokali kabotu awa! Lino, tonse tu lizyi zya Abrahamu, nzila Leza mbwa kamwiita kuzwa mu nyika yaba Chaldiya a munzi wa Ur, aku mwaambila kuli pambula mwini kuzwa ku balongwe bakwe.

Leza ulaita baalumi a banakazi, Wi itila kupambukana.

³⁶ Lino, eelyo nde penzi ku mabungano sunu, taba yandi kuli pambula beni kuzwa kuli basinyama bakaindi bata-... batasyomi. Ako nke kaambo tatukonzyi kusakana limbi. Tu njila buyo mu kukunka kumwi kwanyama, elyo twa—twa amba, “Oh, Jim mulombwana uli kabotu, ikuti na kanywa. Ikuti na na... Elyo Nda unka anguwe ku kaanda kamusobano mu ciziba, pele Nse citi musobano wamu ciziba pe. Ndi—Ndi—Ndi inka anguwe ku musaalo. Bala amba kudana kubbi, azimwi zimbi, pele Nse ambi kumwi.”

³⁷ “Amuzwe akati kabo.” Mbo mbubo. “Amulipambule nobeni. Muta gumi zintu zyabo zitasalali,” mbwaamba Mwami. “Muta sungwi mu jokwe a batasyomi, kutasungwa mu jokwe antoomwe.” Muta ciciti. Amulipambule nobeni.

³⁸ Elyo Leza wakaita Abrahamu kulipambula mwini kuzwa mu mikowa yakwe yonse, a kweenda a Nguwe. Mukwesu, ziindizimwi zyaamba kusiya mbungano. Ca kaamba kuli Paulo. Wa kacita kusiya mbungano yakwe. Cakaamba obo kubanji. Ziindizimwi caamba kusiya muunzi. Ziindizimwi caamba kusiya taata a baama, a kutantamuka bonse. Ta ndaambi kuti cila cita ciindi conse, pele ziindizimwi cila cita. Caamba kuti weelede kubweza zintuzyonse akati ka nduwe a Leza, a kweenda a Nguwe alikke. Oh, oyo mulalilo, ulelekedwe mubotu, olo luswaanano ndo muba alo cindi mwali pambula nobeni kuzwa ku zintu zya inyika a basyomi basinyama abo baku fubaazy, akweenda olikke a Kristo!

³⁹ Nziindi zyangaye Nze kamulumba Leza! Wa kati, “Njo mupa bauso a bamanyokwe mu inyika eyi iliko. Njo mupa beenzinyokwe a balongwe. Alimwi Nse kamu siyi, naanka kuti Nka mutantamuke. Nekubakuti inyika ya mufutatila, Njo oba andinywe, kusika kumamanino a lweendo.”

⁴⁰ Ino ncoolwe cilelekedwe, eco muntu nca jisi akuzundikizya oko kwa kutobela Mwami Jesu, kulipambula kuzwa ku balongwe bakwe bonse bakunyama, ku kutobela Mwami. Elyo ikuti na bantu bamwi baboneka kutalilemeka kabotu, akulitondezya beni mbuli Banakristo, pele kabayanda zintu zyakunyama, ncibotu kuli nduwe kuvwima mulongwe umbi mpoonya awo. Mbo mbubo. Elyo ikuti na takwe uya kweenda anduwe, nkwali Umwi waka syomezya kweenda anduwe. Oyo ngu, Mwami Jesu ulelekedwe, Uyo enda anduwe.

41 Leza wakaambila Abrahamu, “Kulipambula mwini.” Elyo mbuli muntunsi Abrahamu bwa kabede, wa katolelezya wisi, wa katolelezya mwana wamunyina, mujwa wakwe; bonse kabali anguwe. Elyo Leza taka mulongezya kusikila na kacita eco Leza ncaka mwaambila kucita.

42 Ta ndaambi kuti toli Munakristo. Kuteeti, Nse lesyi umwi kuba munakristo. Pele Ndi laamba eci, kuti na Leza wa kwaambila cintucimwi cakucita, Ta kakulongezi kusikila uka cicite. Ndili mu cikambaukilo sunumasiku a cimwi ca zintu ezyo zitana belekwa ali ndime. Miswaangano yangu tii yakali mboya keelede kuba, kwa myaka yobilo yainda. Nkukaambo kakuti Nda kamukakilwa Mwami. Wa kandaambila kuti, “Koya ku Africa, elyo mpawo ku India.” Nceeci we, cili lembedwe mpoonya awa, kusule lya Bbuku eli, ndyoonya lino.

43 Mweendelezi waka ndiita, kati, “Ba lekele bana Afrikaanasi baubke. India ili libambilide.”

44 I Muuya Uusalala wakandi swaana, kati, “Uyo unka ku Africa mbuli Mbwe kwaambila kucita.”

45 Elyo mwaka umbi wakainda. Elyo beendelezi... Nda luba kujatikizya Ncico. Wa kati, “Tuya ku India. Matiketii alibambidwe kale awa.”

46 Nda katalika kweenda, ka Ci luba mane Nda kasika ku Lisbon. Busiku bumwi, wakati, Nda kali kuyeeya kuti Nda kali kufwa. I kuseeni kwa katobela Nda katalika, kuya ku cisambilo, kuyo samba aamubili. Oh, Nda kali cisidwe kapati, Nse kali kukonzya kwiimikila. Okuya, oyo Mumuni kaulengelela mu cisambilo, kati, “Nda kayeeya kuti Nda kakwaambila kuti, ‘Koya kuya ku Africa, lutaanzi.’”

47 Miswaangano yanda yakali kukakilwa bucebuse kuzwida ciindi eco. Nekubakuti Nda kainka ku India, kutandila cisela ca milioni kabaimvwi alya, pele oko tii kwakali kucita eco Leza nca kaamba. Ndi limvwa kuti miswaangano yangu tai kazwidilili kusikila Ndi kajokele ncobeni cigaminina a kubamba eco cintu ciluleme. Takukwe makani eco nce cita, ngu Africa, lutaanzi, nkaambo weede kucicita. Mpaawo awo ali Ijwi lya Leza Litamani, kukkala alya. Ndi lizyi kabotu kwiinda ceeco. Pele Nde elede kupiluka. Elyo Ndi limvwa kuti oyu mwaka uboola Nce ciindi neya kuyavula kuzwa mu cipapa, ku lugwasyo lwa Mwami.

48 Aya Makanimabotu, akaindi abulemu wakali kukobena cabutete, mbuli samu lya mubanga, pele Ndi syoma kuti lili bambidwe ku tandabika mitami yalyo lino. Ndila cisyoma, oyu Mulumbe mulemu a a cintu cilemu, Ndi syoma kuti Mwami uyo tu lekela kuzungaanya inyika alubo nkambo ka bulemu bwa Leza.

49 We elede kucita eco Leza nca kwaambila kucita. Elyo Abrahamu wakazumanan ncobeni, kabwezelezya bantu bakwe.

Wa kabayanda. Eco ncibeela cabuntu. Pele kwiinde kaindi, ciindi cakatobela, wisi wakafwa nkabela wa kamuzikka. Mpawo wa kajisi mujwa wakwe, mpawo kuzwangana a nzwango zya kayutuka. Elyo, kumalekela, Lota wakabweza kusala kwakwe nkabela waka selemukila mu Sodoma. Elyo mula mubona Abrahamu, ta kakwankana a Lota. Wa kati, “Tuli babunyina. Ta tweede kukazya. Pele kotambya mutwe wako a kuya ku nzila ili yonse njo yanda kuunka. Ikuti na waunka kujwe, Njo unka kumbo. Wa inka ku nyiika, Njo inka ku musanza.” Oko nkulanganya kwa Munakristo, kulibambila kupa muntu umwi kulanganya kubotu loko. Lyoonse kucitondezya kuli nguwe, ku kulekela kulisalila kwakwe.

⁵⁰ Ku kaambonzi? ncinzi caka citya Abrahamu kucicita? Wa kalizi kuti wa kasyomezegwa kuli Leza kuti wakali kuyo kona cintu conse, nekuba. Ameni. Aboobo, mpawo, tenti na kaanda kaniini, nkaambonzi nco tweelede kumamela? I cintu conse cizulilwa kuli ndiswe. “Balacoolwe abo babombe nkambo bayo ikona nyika.” Conse cizulilwa kuli ndiswe. Leza wakamba obo. Aboobo komupa muntu kusala kubotu maningi, ikuti na uyanda kucita. Ndiza nku konse nkwa kasola kujana. Pele conse cizulilwa kuli ndinywe, baswaana ba lufutuka kwinda ku cisyomezyo. Conse nci canu.

⁵¹ Aboobo, Sarah, mwanakazi wakali mubotu kapati mu cisi, waa kakkala alya ambali lya cilundu a mulumi wakwe mbuli mbwa keelede kucita. Waa kali mubombe, ee, kwayanda wakali kusama madresi akalikko ibombe, na kufumbwa mbo muyanda kuciita. Kuciindi, Muka. Lota wakasamide mbuli miliyoneya. Elyo mulumi wakwe wakali meya wa dolope. Wa kali mubetesi waka kkede ku mulyango. Waa kali jisi zintuzyonse; waka janika ku bweende bonse bwa kusuma a misaalo ya makkadi ayo akaliko kazazumanana kuya mu Sodoma a Gomora. Pele Sarah waka botelwa maningi kupona a mulumi wakwe aa kuvola kuniini, akuziba kuti wakali mu luyando lwa Leza, kwiinda kubotelwa buvubi bwa, na, misaalo ya buvubi bwa ciindi cisyoono. Mbo mbubo. Eco nce cindi Leza naswaya.

⁵² Elyo buzuba bumwi, yebo, mbuli masimpe mbo sala nzila iita luzi, iyo kweenzya buzubabumwi. Inga wayeeya kuti uyooba kabotu. Inga wayeeya kuti toka subulwi, pele toka citi. Antela inga kwaboneka kuti cili vumvidwe conse, pele ta civumbidwe conse. Leza ulizyi zintuzyonse. Uli zyi naa ula kukanza ncobeni ku kulyaambilila kwako naape. Uli zyi naa ula kanza ncobeni kuti ula Mu syoma akuti uli futukide, aku Mu zumina, alimwi uli fwide ku zintu zya inyika, alimwi uli muumi muli Kristo. Uli cizyi eco.

⁵³ Lino, tula mubona Abrahamu, Ndi yanda kuti mubone oyu muuya wini. Oh, cintu conse cilelekedwe ano nduzyalo. Ndi yanda kuti mubale andime lino kuzwa ku chipati ca 14 ica Kulonga, asyoonto buyo.

⁵⁴ Lino, cintu citaanzi cakacitika cindi niba kaseluka alya, Lota waka njila mu penzi. Nkaambonzi? Wa kali zwide mu luyando lwa Leza. Alimwi ikuti na wanjila mu penzi cindi wanooli mu luyando lwa Leza, Leza uyo kugwasya. Pele ikuti na uli mu penzi, kuzwa mu luyando lwa Leza, kuli cintu comwe buyo cakucita, nku jokela mu luyando lwa Leza alubo.

⁵⁵ Lino, bami bonse bakali kamantanya, nkabela baka langalanga kuti nkwaalale kunselelo okuya yaka tilai lidwe kabotu, akuti niba kaselemuka a kubweza eyi, Sodoma, Gomora yakaindi, ku yeendelezya. Elyo baka cita. Elyo cindi niba kaselemuka a kwiiyendelezya, baka tolelezya Lota ambabo.

⁵⁶ Ndi yanda kuti mubone Muuya wa Kristo awa muli Abrahamu. Lino amubone kampango ka 14.

Elyo cindi Abrahamu waka mvwa kuti munyina . . . (Mwa cimvwa?) . . . munyina waka toledwe mu buzike, wa kayobolola basilumamba bakwe mu zilwanyo, bakazyalwa mu ng'anda yakwe ini, bali myaanda yotatwe a makumi ali lusele, a kubatobezya kusika kuli Dani.

⁵⁷ Oh, ino muzeezo mubotu wa luzyalo! Abrahamu, cindi munyika, nekubakuti wakali wide kuzwa ku luzyalo, nekubakuti wakali mu ciimo cakuwa; cindi na kamvwa kuti inyika ya kamukwempa, akuti yaka mujata aku mugusya, kuyo mujaya, Abrahamu wakacita kwinda ku Muuya wa Kristo. Wa kasika akubamba bantu bakwe boonse a zilwanyo abo bakazyalwa mu ng'anda yakwe, a kubatobela, aku batobezya lweendo lonse kusika ku Dani. Elyo Dani nzibeela zili kulaale zya Palestine, “Dani kusika ku Beee-sheba,” kuzwa ku mamanino amwi kuya kuli ambi. Alimwi ncikozyanyo ca Kristo, cindi Na kabona kuti inyika yaka toledwe . . . yakali wide, kuti Wa katobezya sinkondo kusika ku mamanino, kuyo tambula kujoka kwa mukowa wa Adamu wakawa.

⁵⁸ Ndi yanda kuti mubone kampango katobela, obo Muuya mbouli mubotu awa kuu kanana kwiinda muli nguwe. Yaa, kampango ka 15 lino.

Elyo wa kajosya zyonse (zyonse) i zintu, aku mujosya awalo munyina Lota, a zintu zyakwe, a banakazi abalo, a bantu.

⁵⁹ Cindi Abrahamu naka tobelela basinkondo nyina abo baka toledwe munyina, wa kamutobezya lweendo lonse ku cisi conse, kuya kuli Dani, akujosya zintuzyonse ezyo nzya kasweekelwa mu kuwa.

⁶⁰ Ino ncifwanikiso cibotu ca Kristo, Oyo wakamvwa kuzwa ku Julu kuti twa kali sweekede a kuboola akutobezya sinkondonyina, lweendo lonse kuya ku gehena, a kujata bantu basweekede aku tujosya a kutuboozya ku zintuzyonse kuti twa kali wide kale! Swebo, basikuwa, twa kazyalilwa kuba

bana ba Leza, abo bakapilingana mukuba bana ba dyabulosi, a kubamba...katobela zintu zya inyika, a kucita cilubide, akucita cabuunyu mbuli Lota mbwa kacita, kusambala bupati bwesu a kutobela zintu zya inyika. Kristo waka seluka ansi. Nekubakuti twakawa; Leza, mukuziba ku matalikilo abo bakali kuyo futulwa abaabo batakali noyocita, nkikaako wakaseluka a kutobezya sinkondo kwinda mu buumi, kwinda mu lufu, kwinda mu paradaiso, mu gehena. Elyo lweendo lonse kuzwa ku Bulemu kuya ku gehena, akweendelezya i—i inguzu zya gehena, a zizalizyo kuzwa kuli dyabulosi, a kubuka alubo, a kuboozya muntunsi, kutegwa bakonzye kuba bana balombe abasimbi iba Leza alubo.

⁶¹ Amubone Muuya muli Abrahamu alya, Muuya wa Kristo kuboola a nguwe?

⁶² Lino ndi yanda kuti mubone ambele aniini, mbuli mbo tubala.

Elyo mwaami wa Sodoma wa kainka kuyo muswaana na kabweeda kuzwa kukujaya kwa mwaami oyu Kedolaoma, alimwi...bami...bakali anguwe, mu i kkuti lya Shave, lili nde kkuti lya mwaami.

⁶³ Ba kazwa. Mwaami wa Sodoma wa kajosegwa. Munyina waka josegwa. I bana baka josegwa. Elyo mpaawa bami bakaunka kuyo muswaana. Alimwi, akwalo, mpaawa mpe Ndi yanda kusika, mulumbe lino. Amulangilile lino.

Elyo—elyo Melikisedeki, mwaami wa Salemu (Mwaami wa Jerusalemu, Mwaami wa luumuno) wakaleta cinkwa a waini: alimwi wa kali mupaizi wa Leza sijulu lya majulu.

Elyo wa kamuleleka, a kuti, Ulacoolwe Abrahamu wa Leza sijulu lya majulu, sikuvuba wa majulu a nyika:

⁶⁴ Melikisedeki, Mwaami wa Salemu, akwalo wakali tondezya Mwini akati ka bami bambi. Elyo amubone, nkondo ya kamana, Muuya wa Leza muli Abrahamu, wa Kristo, oyo wa kajosya munyika wakawide, mpawo ku muboozya ku ciimo cakwe ciluleme, kuli zyonse nzya kasweekeledwe. Wa ka kujosya. Elyo cindi na kacita, Wa kaleta cinkwa a waini, mulalilo. Sa tamu konzyi kubona Oyo Melikisedeki mbwa kabede? Wa kali Leza. Wakaleta mulalilo, nkondo ya kamana.

⁶⁵ Lino atu jule alubo, kuli Matayo 26:26, cakufwambaana kapati, akubona eco Jesu nca kaamba awa cijatikizya ceeco. Mu Bbuku lya Matayo, chipati ca 26 akalo kampango ka 26, tu yanda kubala buyo aniini awa. Yaa, Matayo 26:26.

Mpawo Jesu wakasika a mbabo ku busena butegwa Gologota, Gologota, na, Gesemani, Nje amba, elyo wakati kuli basikwiya bakwe, Amu kkale awa, kuciindi Ne inka kule kuyo komba.

⁶⁶ Ndi syoma kuti Ndi jisi Lugwalo luteensi. Matayo, i twenti-...kampango ka 26 ka chipati ca 26. Ikuti na muntuumwi uli kujisi, andi balile nkuko, ikuti ula—ikuti na ula konzya kukajana. Aniini buyo. Eci ncikozyanyo cibotu awa. Nse yandi kuti mu kaciimpye. Mpaawa mpo tubede. Oyo waka jana, mucizi.

Elyo mbuli mbo bakali kulya, Jesu wakabweza cinkwa, a kucileleka, . . .

Cakali cinzi? I nkondo yakali manide.

. . .ka cikomona, aku cipa kuli basikwiya bakwe, a kuti, Amubweze, a kulya; nkambo oyu mubili wangu.

⁶⁷ Mwamubona oyo Melikesedeki? Myaanda ya myaka kakutanaba, cindi Na kaswaana Abrahamu, nkondo niya kamana, Wa kamupa cinkwa a waini. Elyo ngooyu Jesu kapa basikwiya, kumane nkondo Yakwe yanguzu niya kamana, Wa kabapa cinkwa a waini. Amulangilile. Amulangilile Kuboola kuciza.

Elyo wa kabweza kanywido, elyo—elyo wakapa kulumba, akukapa kuli mbabo, kati, Amu kanywe yonse;

Nkambo obu mbulowa bwangu bwa cizuminano cipya, obo bwaka tililwa . . .zibi a kujatilwa kwa zibi.

Pele Nda mwaambila, Nse kanywi kuzwida eno zya i mucelo wa musaansa, kusikila ku buzuba obo Nda kuunywa cabupya a ndinywe mu bwami bwa Taata wangu.

⁶⁸ Tuli mu nkondo lino. Tu tobela mukwesu wakawa, kuti Leza, kuzwa ku malengelo aa inyika, wakabona akukanzila Buumi Butamani. Elyo zintu zya inyika zya kamuca mu kambizi. Uli kubusena bwabuleya a misela, walo a mukaintu wakwe, katanta a kuselemuka tugwagwa, kafweba a kunywa akulibotezya kwacoongo, kusola kujana luumuno. Elyo Muuya wa Kristo muli ndiwe, mbuli mbo wakabede muli Abrahamu, twa mutobezya. A zilwanyo zyonse izya Leza, Baangelo ba Leza bali zungulikide, twa inka kuyo josya mukwesu wakawa.

⁶⁹ Elyo cindi nkondo yakugola kumalekelo, tuyo muswaana Melikisedeki alubo, alelekwe Leza, Oyo wakaleleka Abrahamu okuya, a kumupa cilongezo, aku mupa cinkwa a waini, mulalilo. Elyo cindi nkondo yaakumana, tuyo Mu swaana. Swebo to baswaana ba cisyomezzyo ca Abrahamu, baswaana antomwe a Kristo mu Bwami, tuyo Mu swaana ku mamanino a musinzo, akuya kulya cinkwa a waini, alubo, cindi nkondo yaakumana.

⁷⁰ Nguni oyu Melikisedeki? “I Umwi wataka jisi wisi, taka jisi banyina, taka jisi matalikilo aa mazuba na magolelo aa buumi.” Uya kuba Okuya kuyoopa mulalilo alubo. Mwa cimvwa na? [Mbunga yaamba, “Ameni.”—Mul.]

71 Cindi ni twa kaima, aa masiku amwi, cindi twa kuboola antoomwe a kulya mulalilo kuzwa ku maanza aa bakutausi, kutondezwa kuti tula syoma mu lufu, kuzikkwa, a bubuke bwa Mwami Jesu, eco nce cisitilizyo, mubili Wakwe kuti Wa kayubununwa mukati, Leza, tula ulya, mbuli ciiminizyo, “Tuli fwide ku zintu zya inyika, nkabela twa kazyalwa bupaya ku Muuya.” Elyo tu leenda a Mubili wa Kristo, toonse tobasyomi antoomwe.

72 Cindi nkondo mpati yaakumana, nkabela tuyo boola alubo a Kristo, tuyo lya mulalilo a nguwe mu Bwwami bwa Leza, cabupya; a kulya mubili, a kunywa bulowa bwa gireepu alubo, mu Bwami bwa Leza. Oh! Ngooyu Melikisedeki. Obo Mbwa Ka bede.

73 Lino atu bale ambele aniini kujatikizya Nguwe awa, a kampango ka 18.

Elyo Melikisedeki mwaami wa Salemu wakaleta cinkwa a waini: . . . (Mwa cimvwa na?) . . . nkabela wa kali mupaizi wa Leza sijulu lya majulu.

Elyo wa kamuleleka, a kuti, Ulacoolwe Abrahamu wa Leza mupati, sikuvuba wa majulu a nyika:

Elyo wa kamulongezya, . . . Elyo wa kalongezya . . .

Elyo alelekwe Leza sijulu lya majulu, oyo walo waaba basinkondo bako mu janza lyako. Elyo wa kamupa ii kwakkumi kwa zyoonse.

Wa kapa kwakkumi kuli Melikisedeki. Abrahamu waka Mu pa cakkumi ca zisaalo.

74 Lino Ndi yanda kuti mubone awa mbuli Paulo mbwaya buya, kupa ntalisyo ya ciuyo ciboola lino.

Elyo mwaami wa Sodoma wa kaambila Abrahamu kuti, Kondipa bantu, a kubweza yebo zintu kuli lwako.

Lino, mwaami wa Sodoma wakati, “Lino, kondi josezwa buyo balelwa bantu, nkabela uli bwezele zintu.”

Elyo Abrahamu wa kaambila mwaami wa Sodoma kuti, Nda nyamuna janza lyangu ku Mwami, Leza sijulu lya majulu, . . .

El Elioni, “sikuvuba wa majulu a nyika,” okuya.

. . . Leza sijulu lya majulu, sikuvuba wa majulu a nyika,

Kuteeti Nse kobweza kuzwaku katali nekuba ku kaanzyo kama, . . .

Ta kajisi mulimo mupati wanguzu wa kubwezelela mali. Wa kali kuyanda biyo munyina wakawide.

. . . a kuti Nse kabwezi cintu cimwi cipati ca nduwe, kulesya kuti uukaambe kuteeti, Nda kamuwubya Abrahamu:

Cita biyo eco baalumi bakubusyi nco bakalya, caabilo ca baalumi caka inka andime, . . .

⁷⁵ Lino, Ndi yanda kuti mubone, Abrahamu wakati, “Nse kobweza kuzwa ku katali kusikila ku kaanzyo.” Ta kalwana lumamba, kuti kapangila mali manji. Alimwi inkondo zini zyakasimpe ta zilwaninwi makanze akuliyanda pe. Lumamba talulwanininwi mali. Lumamba lulwaninwa kaambo—kaambo, ka makanze, nkambo ka milazyo. Bantu balwana lumamba nkambo ka milazyo. Elyo cindi Abrahamu na kainka kubweza Lota, ta kainka ku kaambo kakuti wa kalizi kuteeti nakakonzya kubauma bami a kubweza lukono lwabo lonse, wa kaunkila mulazyo wa “kuvuna munyina wakwe.”

⁷⁶ Elyo kufumbwa mukutausi wakatumba kunsilya bunanike bwa Mwaami waku Julu, ta kainkili mali; naanka kuyo unkila kupanga mabungano mapati, naanka kuyo unkila kunanika tububgwe. Uyo unkila biyo mulazyo omwe, nkabela ngwa, “Kupilusya munyina wakawa.” Naa ujana kakkobili mu mulumbo na ta citi, ta kukabambi lwandaano noluceya kuli nguwe.

⁷⁷ Mbuli Mbwe amba, “Lumamba lwini lula lwanwa kutalikila kuyabuya nkambo ka milazyo akutali mali.” Elyo baalumi a banakazi basangana mbungano a kusika mu mbungano, kutegwa babe ampuwo, nkaambo bana *Jones* bazulilwa okuya, na bacinca mbungano yabo kuzwa ku mbungano niini kuya ku mbungano mpati, ucicitila bukanze bwa kuliyanda alimwi mulazyo ululeme tauli kunze lyaco. We elede kulibambila kwiimikila kunembo lya nkondo.

⁷⁸ Muli ceci cikombelo okuno, cindi zintu zyalubila, elyo nobamaalumi, alimwi nobanakazi muyo zuza akwinka konse kubusena bumwi bumbi, na kukkala mane kukwankana na kunyongana kuniini kwamana, kuli cintucimwi cilubide ku luzibo lwako. Nconzyo.

⁷⁹ Tu jisi cilengwa okuno. Tu jisi ii—tu jisi matobelanwa okuno. Eyi mbungano iyakidwe aa milazyo ya Bbaibbele. Ikuti na kuli muntuumwi omuno uuta citi ciluleme, nkabela uyeeya kuti taluzi, koya kuli nguwe a kwaambaula kuli nguwe. Ikuti na to konzyi kumuyanzanya, mpawo kotola mukwesu umwi a nduwe, omwe na bobilo bambi. Ikuti na taka yanzanisigwi mpawo, mpawo ka caambile mbungano. Elyo mbungano iyo mutanda, akutaciba a luswaanano a nguwe. Elyo Jesu wakati, “Kufumbwa nco mwaangulula a nyika, Njo caangulula ku Julu.”

⁸⁰ Ako nke kaambo ncomu jisi mapenzi manji, nkaambo tamu tobeli milazyo ya Bbaibbele. Ikuti na muntuumwi mu mbungano uleta lunyongano, na cintucimwi cakali kulubila, mbulizi bwako

bwa kuunka kwaambaula kujatikizya oyo mwaalumi na oyo mwanakazi. Mbulizi bwako bwa kwiinkila oyo mwaalumi na mwanakazi aku mwaambila bulubizi bwakwe. Elyo ikuti na ta kakumvwi, kabweze umwi umbi kuba anduwe. Na takamvwi oyo, mpawo mbungano ula mwaangulula. Jesu wakati, “Eco nco mwaangulula a nyika, Njo caangulula ku Julu. Eco nco mwaanga aa nyika, Njo caanga ku Julu.” Ezyo ne nguzu zya mbungano.

⁸¹ Okuno kutali ciindi cilamfu, mweenzuma mukambausi mubotu, wa kajisi mulombe, elyo oyo mulombe wakali kuunka ku mbungano, mbungano yakwe mwini. Wa kasika kubusena oko nkwa katalika kweenda a musimbi wakale muniini oyo wakali kufweba a kunywa a kulilemeka bumwi. Mukambausi wakati, “Mubwini, oyo mulimo wakwe.” Ii mweenzuma wangu wamunsi loko, a mulombe mubotu. Pele wa keebelwa kapati ku mwanakazi umwi mukubusyi; elyo waa kali kwetwe, waka jisi bana, mulumi wakwe wakali kupona. Wa kali kuyoowa kuti wakali kuyoowa kuyooba a . . . oyo mulombe wakali kuyanda kumukwata. Aboobo, mukwesu wakali nyongone konse. Elyo wa kaamba kuli ndime, “Mukwesu Branham, Ndi yanda kuunka kuli oyu mulombe uli *boobu-boobu* wangu. Ndi yanda kwaambaula kuli nguwe.”

⁸² Nda kati, “Mukwesu . . .” Nda katandila kwiita zina lyakwe. “Yebo ujisi nzila mbotu. Uta nditumi. Ikuti na mulombe taponi bweelede, nkabela mbungano yaka mubona kacita cilubide, mpawo ncintu ca mbungano cakucita mulimo oyu. Eco caka siilwa mbungano. Elyo mbungano yainka okuya a kumwaambila.”

⁸³ Aboobo wa kabweza mukwesu, a kwiinka okuya aku mwaambila. Elyo wa kajokela ku mukwesu, ku muzibya kuti wa kali kukutauka mulimo wakwe wini, kuli nguwe kucita nciconya. Wa kabweza mukwesu umbi, bobilo bambi, bamadaikona bobilo bakainka okuya a ku mwaambila mulombe. Ta ka ciswiilila. Ba ka caambila mbungano. Elyo ta kasika kwa masiku masyoonto, ku kuyanzanisigwa ku mbungano cibi cakwe nicakamana kwaambwa kumbele lya mbungano. Mpawo, mbungano yaka mwaangulula.

⁸⁴ Elyo kutandila mweezi kuzwa awo wa kaumwa kamano, elyo dokotela wakati, “Takukwe coolwe mu inyika cakwe kuti apone.” Mpawo wa kayavula kupiluka. Leza uli zyi mbo cicitwa.

⁸⁵ Tu sola kucicita muli ndiswe, “Oh, mweelede kumu tanda *niini-a-niini* kuzwa mu mbungano. Mweelede kucita *ceeci, ceeco*, na *cimbi*.” Sa wakacita cibeela cako mbuli mbungano kuli ncico? Mpaawo we. Eyo nje nzila yaku bacitya kuyavula kujokela, amubaabe kuli dyabulosi ciindi cimwi.

⁸⁶ Ncinzi Paulo nca kaamba kujatikizya oyo mwaalumi kumusanza okuya wakali kupona a banyina bamulela buyo? Tii bakakonzya kumu yanzanya. Kati, “Amumwaabe kuli

dyabulosi.” Amulangilile eco cicitika. Alimwi mu lugwalo lumbi Paulo wakalemba, oyu mwaalumi waka lulamikwa. Masimpe. Leza uli jsi nzila ya kucita zintu ezi, ikuti na tuyo tobela buyo milao Yakwe.

⁸⁷ Ikuti na cintucimwi calubila mu mbungano, ikuti na cili akati ka mbunga, umwi aumwi wa ndinywe nobakwesu. Ikuti na boodi lya madaikona, umwi wa bamadaikona tali lemeki, bamwi bamadaikona ababoole a kuba amuswaangano, kusola kuyanzanya mukwesu, ku mwaambila eco nca cita; na umwi nywebo nomamembala, kufumbwa mbomubede. Mpawo ceelede kuletwa kumbele lyakwe. Ikuti na ta kacitici, mpawo boola waambile mweembeli. Mpawo, ulaangululwa kuzwa ku mbungano, elyo mpawo amu muleke abe mbuli muhedeni a simutelo. Mpawo amulangilile Mwami kabeleka aali nguwe. Mwabona, nce ciindi najokela kupempenukwa. Nce cindi naunka kuyavula mukati. Pele tu sola kucitica lwesu, nywebo mwabona, kusola kucita i. . . zintuzyonse nzila njo tweelede kucitica, lino, ta tuzwidilili.

⁸⁸ Lino, oyu Melikisedeki, Mwami wa Salemu, Sibwami, Mupaizi Sijulu lya Majulu, waka swaana Abrahamu a kumu longezya. Elyo waka Mu pa zimanyakkumi zyakwe, Abrahamu wakacita. Elyo Wa kali Mwaami wa Salemu. Elyo Wa kaleta cinkwa a waini, mulalilo, a kuupa kuli Abrahamu nikwakamana nkondo, baalumi niba kamana kuzunda.

⁸⁹ Lino, “Lonse lumamba,” mbuli Mbwe amba, “lu lwaninwa milazyo.” Lino, ikuti na mujisi lumamba luniini mu mbungano, lweelede kuba lwa mulazyo uululeme. Mweelede kulwanina cintu ciluleme. Elyo aumwi membala wa mbungano weelede kucita ceeco. Lino, oku kuyiisya nkwa mbungano. Eco ncotuli waano. Eco nce Ndi imikilila awa. Eco nce cintu Ijwi lya Leza nceliliko, ndya mbungano.

⁹⁰ Uta lekeli cintu cisinkila mu mbungano eyi. Ikuti na cacita, ujisi mulandu, umwi aumwi wa ndinywe. Elyo nywebo, mu mabungano anu aindene, ikuti na cintucimwi cili nyongene mu mbungano yako, ujisi mulandu, nkaambo uli mulinguzi wa mbungano eyo. Ta cili ku mweembeli. Ta cili ku boodi lya bamadaikona. Cili kuli nduwe, yebo omugame, koya ku munyoko oyo a kubona ikuti na inga wa yanzanya. Ikuti na takuli obo, mpawo bweza bobilo na botatwe anduwe, mpawo jokela. Na taka swilili, ko caambila mbungano. Mpawo ula tandwa kuzwa mu Bwami bwa Leza. Leza wakati, “Ikuti na mwa mutanda alya, Njo mutanda Okuno, ikuti na mwa kainda mu matobelanwa aya.” Mpawo Njo lekela dyabulosi ali nguwe ku kubambwa. . . kunyonyoonwa kwa mubili wakwe. Elyo mpawo uyo jokela. Mbo mbubo. Eyo nje nzila ya kumucitya kupiluka. Ikuti na mwana wa Leza, uyo pilukila. Ikuti tali, baa—baa, uyo zumanana, elyo mpawo dyabulosi uyo mutumina ku busena bwakwe Butamani.

⁹¹ Lino, makanzi ancico. Ikuti na wa cinjizya nambo ka muntuumwi, mpawo cili andeene. Pele, ikuti na muntu ula mulandu! Elyo Lota wakainka kunselelo nkabela wakali wide, nekubakuti wa kali Muhebrayo. Wa kainka kunselelo nkabela wa kaakuwa. Wa kali mu luzyalo, pele wakali wide kuzwa kuli ndulo. Elyo cindi naunka. . . Elyo Lota—Lota wakali futukide. Muta soli kuyeeya kuti Lota taka futukide. Wa kali obo. Nkaambo, ciindi conse elyo na kali mu busena butaluzi, Bbaibbele lya kaamba, kuti, “I zibi zya Sodoma zyakalikupenzya muuya wakwe uululeme abuzuba.” Lino, mubili wakwe wakali kucita cintu cimwi. Elyo akali buti mamanino akwe? Wa kaleta sampu pati. Mukaintu wakwe wakasanduka kuba ndomba lya munyo. Wa kazyala bana kwinda ku bana bakwe basimbi. Aboobo, inga mwabona nco cakaleta sampu, nkaambo wa kaliwide kuzwa ku luzyalo nkabela taka liboozya mwini. Elyo Leza wakacita kumu gwisya kuzwa mu nyika.

⁹² Pele, nekubaboobo, wa kali mukwesu wakawide, alimwi Abrahamu wakacita zyonse nzyakali kukonzya kumu pilusya alubo. Elyo Muuya wakali muli Abrahamu, walo Muuya wa Kristo uuli mu mbungano sunu. Takukwe makani eco mukwesu nca kacita, uyo cita zyonse nzo konzya kujosya mu luswaanano lwa Kristo alubo. Takukwe makani eoc nca kacita, uyo sola canguzu.

⁹³ Lino, tu yanda kubona awa lino alubo, mbuli mbotu zumanana a ciyo eci ca oyu Melikisedeki, oyu Mupaizi mupati wa Salemu, a mukoni wa Majulu a nyika. Lino, mukuba lutaanzi:

*Utakwe wisi, utakwe banyina, utakwe mukowa,
naaba matalikilo aa mazuba naanka magolelo aa buumi;
pele waka bambwa mbuli Mwana wa Leza; ula kkalilila
mbuli mupaizi buya myaaka.*

Lino amulangilile. Ta kali Mwana wa Leza, Wa kali Leza wa Mwana. Ta kali Mwana wa Leza, Melikisedeki takali obo, pele Wa kali Taata wa Mwana wa Leza.

⁹⁴ Lino, oyu mubili oyo Ngwa kajisi, Wa kalengwa. Tii wakaletwa kwinda mu mwanakazi. Aboobo a mubili oyo walengwa, Ta kakonzya. . . Mubili umwi Ngwa kabamba, Mwini, kukulyubununa Mwini.

“Taakwe muntu ukonzya kubona Leza aciindi cili conse. Leza walo muuya.” Meso afwika takonzyi kuzibona zintu ezyo, citakuti cili mu ciimo mbuli ca Musumpululu wa Mulilo, na kufumbwa mbo cakabede, na mu ciimo ca cilenge cimwi ncoba kabona ku cilengaano. Pele i. . . Leza weelede kuliyubununa Mwini kwinda mu nzila imwi. Alimwi Leza wakaliyubununa Mwini kuli Abrahamu, mu ciimo ca muntu. Wa kaliyubununa Mwini kuli Musa, mu ciimo ca muntu. Wa kaliyubununa Mwini ku bana ba Israyeli, mu ciimo ca Musumpululu wa Mulilo. Wa

kaliyubununa Mwini kuli Johane Mubapatizi, mu ciimo ca nziba. Nywebo mwabona, Wa kaliyubununa Mwini mu ziimo ezyo.

Cindi Na kaliyubununa Mwini mu ciimo ca Muntu, mbuli Mwaami wa Salemu; wa Jerusalemu; kutali Jerusalemu yaanyika, pele Jerusalemu Yakujulu. Wa kaliyubununa Mwini mu ciimo eco. Wa kabambwa “mbuli ku” Mwana wa Leza.

⁹⁵ Lino, Mwana wa Leza wakacita kwinda mu mwanakazi, kuti alengwe ano; kwinda ku luzyalilo lwa mwanakazi, nkaambo kwinda mu cintu eco nciconya mwa kaboola lufu.

⁹⁶ Elyo Ta kakonzya kusika kwinda mu bulenge mbuli Leza mbwa kacita ku matalikilo. Cindi Leza nakapanga muntu ku matalikilo, mwanakazi taka jisi cintu cakucita a ncico. Leza wakati biyo, “A kube,” elyo muntu wakazwa ku bulongo. Wa ka mwiita, kakutakwe mwanakazi umwi kuba a cintu cili conse cakucita a ncico. Pele, mwanakazi, wakali mu mwaalumi ku ciindi eco.

⁹⁷ Elyo Leza wakagusya mwanakazi kuzwa ku lubazu lwa Adamu. Sa mbo mbubo? [Mbunga yaamba, “Ameni.”—Mul.] Elyo mpawo Mwanakazi wakainka a kuzyala muntu kwiinda mu nkwela. Aboobo nzila biyo Leza nja kakonzya kucita. . . Ta kakonzya kusika kwinda muli eyo theofani. Ta kakonzya kusika kali Melikisedeki. Wa kacita kusika mbuli Muntu, alimwi Wa kacita kusika kwinda mu mwanakazi. “Lunyungu Lwako luyo cuzaula mutwe wa nzoka, nkabela mutwe wakwe uyo cuzaula kasindi Kako.” Mwa cimvwa? [“Ameni.”] Leza wakacita kusika kwinda mu mwanakazi; nkabela Wa kacicita, cindi Na kakkala mu mubili Wakwe wa Mwana Wakwe, Kristo Jesu. “Leza wakali muli Kristo, kayanzanya inyika kuli Lwakwe.” Elyo Wa katuula Bulowa Bwakwe Mwini mbuli cituuzyo. Elyo wakapa Buumi Bwakwe, kutegwa kwiinda mu mukondo wa lufu, Ka konzya kumu futwida Buumi Butamani.

⁹⁸ Aboobo Leza wakasika mpawo, elyo Wa kabambwa “mbuli kuba” Mwana wa Leza. Mwabona? Wa kali Muntu wakabambwa *mbuli* Mwana wa Leza. Lino, Ta kakonzya kuba Mwana wa Leza, nkaambo oyu Muntu wakali Uutamani.

⁹⁹ I Mwana wa Leza wakali jisi matalikilo, Wa kali jisi magolelo. Wa kali jisi ii—ii ciindi ca kuzyalwa Kwakwe, Wa kali jisi ciindi ca lufu Lwakwe. Wa kajisi kobilo mataliko a magolelo. Wa kajisi bobilo taata a banyina.

¹⁰⁰ Oyu Muntu taka jisi wisi naanka banyina, matalikila na magolelo aa ciindi. Pele Wa kabambwa, oyu Muntu, Melikisedeki, waka bambwa *mbuli* Mwana wa Leza.

¹⁰¹ Lino, Mwana wa Leza, cindi Na kasika mu inyika, mu ciimo ca mwanakazi, na, kwinda mu mwanakazi, mu ciimo ca muntu, nkabela wakajaigwa, wakabusigwa alubo aa buzuba bwatatu, wakabukila kululamikwa kwesu, lino Ula kkalilila kwa lyonse. Alimwi kufumbwa kuti oyo mubili kaukkalilide,

tula kkalilila aswebo. Alimwi nkaambo Wa kabusigwa kuzwa ku bulongo, tuyo busigwa mu cinkozya Cakwe. Nkaako kaano ka Makanimabotu. Lya kalelekwa Zina lya Mwami. Kutali Baangelo, kutali zilenge ziindakugambya, kutali cikama ca mapepe akuulusya konse, pele baalumi a banakazi, ameni, kwiimikila mu cinkozya Cakwe. Iyi, munene.

¹⁰² Mbuli Mbwe kaamba ceci kanji, Nda camba alubo okuno ku ciindi eci. Caka boneka kweelela. Nda kali kukamuna, kujatikizya aya masusu osanwe na cisambomwe ayo Nge kasiya. Elyo mukaintu wangu wakati, “Billy, uya buba syalubala.”

¹⁰³ Nda kati, “Pele Nse na sweekelwa lyomwe lyawo.”

¹⁰⁴ Waa kati, “Ino ali kuli?”

¹⁰⁵ Nda kati, “Ndaambile oko nkwakabede Nke taninga kwaajana, Njo kwaambila oko nkwa lindila Ndime.” Mbo mbubo.

¹⁰⁶ Nda ali kuba mbuli ii—ii sikulwana, sinyindi. Nda kali mupati asinguzu. Elyo Nda kalimvwa, ikuti na wabamba eyi mbungano kusule lyangu, inga Nda selemuka kagwagwa a njiyo. Njo kwaambila, cindi Nda nobuka akumwi kuseeni lino, Ndila mwisya kuti kuli myaaka ili makumi osanwe aimwi yakainda. Mwabona? Nseli Mbwe kabede. Ndiya bukakilwa, abuzuba. Mbuli Nda langa maanza angu a kuyeeya kuti, “Langisya awa. Ee, Ndiya buba mudaala.” Nda langa makuko angu. Ndila bona kuti Nda kayungizya kulema kunji. Nda kali kusama bbeleti lya twenti eiti. Ndi sama lya theeti lino. Mwabona, Ndiya bucembaala, kuneneya, akuswipuluka.

¹⁰⁷ Ino ncinzi? Ndilya cintu nciconya Nce kali kulya. Ndi pona cabulondo a kabotu kwindi Mbwe kali kupona, cintu nciconya. Pele Leza waka ndisalila ciindi, nkabela Nde elede ku citambula. Pele ino uli lelekedwe muyeeyo, kuteeti, ku buzuba obo, Uya ndibusya alubo. Elyo zintuzyonse Mbwe kabede cindi Ne kali myakali ili makumi obilo ayosanwe yakukomena, Njo oba obo kwa lyonse. Ameni. Mpaawo we. Ino kukomena kundi penzya anzi? Nda muuma dyabulosi kuzwa muli eco kwa myaka a myaka, mukuziba ceci, kuti Ndila Mu syoma. Oyu mwaakwe muniini ncintu buyo, ciniini cifwaafwa, nekuba. Ikuti ni twa kakkala makumi ali cisambombwe a kkumi, makumi ali ciloba, ciindi cesu cakasyomezegwa, niinzi—niinzi eco pele kusampuka a buusu? Ino ncinzi? Sa inga wasintanya eyi ng’anda ya zipenzyo aceeco cintu cili kule cabulemu?

¹⁰⁸ Baa, lilelekwe Zina lya Mwami! Cintucimwi ca mukati kangu caka swaanganya oyo Melikisedeki, alimwi Wa kakanana luumuno kuli ndime alimwi Wa kandipa Buumi Butamani. Elyo obu buumi ta bwambi cintu pele cikombela caku kambaukila Makanimabotu. Nda amba eci a kusinizya konse, a Mabbaiibbele aya obilo kajukide kumbele lyangu. Ikuti na Leza wangu waka manizya andime kukambauka Makanimabotu, nkabela

Nse kacili kukonzya limbi kuli Nduwe, bana bangu bakali bapati kweelede kuli mamela lwabo, nkabela Uyanda kundi tola ndyoonya lino, “Ameni,” eco cila cibamba. Iiyi, munene.

¹⁰⁹ Ino ndwandaano nzi ndo cibamba ikuti na Ndili makumi ali lusele na ikuti na Ndili makumi obilo? Ndili waano ku cintu comwe: kubelekela Mwami. Kwa mana. Ikuti na Ndi cikonzya kukambauka Makanimabotu mbuli Mbwe cita lino, cindi Nda nooli makumi ali lusele, ino ndwandaano nzi ndo cibamba naa Ndili makumi one na makumi ali lusele? Kuli bantu bajisi myaka ili makumi ali lusele yakukomena sunumasiku. Alimwi kuli bana banji bayo fwa, cindi mudaala wa myaka ili makumi ali lusele yakukomena uyo pona kwiinda bunji bwabo. Ino ndwandaano nzi nco cibamba? Alo makanze ako, milazyo yako, alimwi tuli waano kubelekela Mwami Jesu. Nku konse.

¹¹⁰ Mukuziba ceeci, kuti, “Obu buumi mbusi obo muntu mbwa kanana; bwakaliko ciindi cimwi, elyo mpawo tabuciko.” Pele ikuti na tu jisi Buumi Butamani, Leza waka syomezya kuti Uyo tubusya alubo. Alimwi tuyo lya mulalilo a Nguwe cindi mazuba akumana, alimwi cindi Akwa amba kuti, “Njila mu lutangalo lwa Mwami, lwa kabambilwa nduwe kuzwa ku malengelo aa inyika.”

¹¹¹ Mpawo ino cibamba lwandaano nzi awa, naa tu jisi cili conse na ta tuciti? Naa tuli bakubusyi na tuli bacembele, ino ndwandaano nzi nco lubamba? I cintu cipatu, sa uli libambilide kuyo Mu swaana? Sena mula Mu yanda? Sa inga wa Mu belekela? Sena waka sambalwa ku zintu zya inyika? Sa waka muswaana Melikisedeki kuzwida ciindi nkondo niya kamana?

¹¹² Leza alelekwe! Kutandila myaka ili makumi obilo yakukomena, Ne kaliko, alimwi buzuba bumwi Nda kajisi nkondo a *eci*, *eco*, a *cimbi*. Nse kakonzya kuziba naa Nda kali kuyanda kuba sikulwana, na Nda kali kuyanda kuba sikuteya tunyama, na muvwimi, eco Nce yanda kuba. Pele Nda kamuswaana Melikisedeki, nkabela Wa kandipa mulalilo, elyo kuzwida eelyo cakabambwa kwa lyonse. Aleluya! Nda kaunka ku lubazu Lwakwe. Nda kali kusekelela mu mugwagwa. Elyo cindi caboola ku mamanino aa mugwagwa, nkabela lufu kalu gwenauka mu busyu, nzila Nje limvwa lino, Nse kaciyoowi kapati. Njo enda, yanda kweenda mu busyu bwa ncico, mukuziba ceeci, kuti Ndi Mu zyi oyo wakabamba cisyomezyo, mbo mbubo, kuti Ndili Mu zyi mu nguzu zya bubuke Bwakwe. Cindi Akwi ita akati ka bafu, Njo zwa akati kabo. Mbo mbubo, muku Mu zyiba mu nguzu zya bubuke Bwakwe. Ino cibamba lwandaano nzi, naa Ndili mudaala naa Ndili mukubusyi? Naa Ndili muniini naa Ndili mupati? Naa Ndili kkusi naa Ndi fwide nzala? Naa Ndi jisi busena bwa kulala naa Nse jisi?

¹¹³ “I bayuni bali jisi ziteente, a mwaaba uli jisi bulyango, pele Mwana wa muntu ta jisi busena bwa kulazika mutwe Wakwe,” pele Wa kali Mwaami wa Bulemu.

114 Tuli baami a bapaizi sunumasiku. Ino cibamba lwandaano nzi naa tuli jisi naa ta tujisi? Kufumbwa kuti katu jisi Leza, tuli bazundi bairinda. Tuli bazundi bairinda. Tuli kkedede mu Busyu bwa Leza, mu luswaanano lwa Muuya Uusalala, katulya mulalilo wa Kumuyya uuzwa ku maanza Akwe oyo waka lungulula, “Nda kali Nguwe waka wida, a upona alubo, nkabela Ndila pona kwa lyoonse.” Katu kkedede mu masena Aakujulu muli Kristo Jesu. O lilelekwe Zina Lyakwe lisalala. Ino cibamba lwandaano nzi?

Ii tenti na kaanda kaniini, nkaambonzi Nce elede kulibilikila?

Ba yaka palesi yangu kutala Okuya!

Ya marubbi a madayamondi, a nsiliva a ngolida,

Ziyobwedo Zyakwe zilizwide, Walo ujisi buvubi butaambiki.

115 Nda ka Mu swaana buzuba bumwi cindi Ne kazwa ku nkondo. Nda kabikka ansi zilumbo zyangu. Nsena lwanide nkondo kuzwida awo; Ula zilwana nkambo ka ndime. Ndi yaamina buyo ku cisyomezyo Cakwe, mukuziba eci, kuti Ndili Mu zyi mu nguzu zya bubuke Bwakwe. Eco conse nce cijisi makani. Ncinzi cimbi cijisi makani?

116 Ncinzi nco tukonzya kucita? Nkaambonzi nco tulibilika kuyeeya kuyungizya kakokola komwe ku ciimo cako? Ino ulibilika nzi kuti na masusu ako alivungene, naa jisi amwi na pe? Ino cibamba lwandaano nzi? Ikuti na uli cembeede, ikuti na ulaamvwi, ikuti na udiimene makuko, ikuti na toli obo, ino cibamba lwandaano nzi? Ameni. Eci nca kaindi kasyoonto, mwaakwe muniini, pele Eco nca lyoonse a lyoonse. Elyo mbuli ma aeonisi aa pumbulika kwa ciindi, mbuli makkalo apumbulika, toka cinci, a kwinda mu makkalo Aatamani atagoli. Ino cibamba lwandaano nzi?

117 Ndili kkomene loko kuti Nda ka Mu swaana. Ndili kkomene loko kuti Wa kandipa mulalilo, buzuba bumwi, oyo nguonya Melikisedeki waka swaana Abrahamu kazwa kujukaya bami. Cilimasimpe. “I Leza wa Julu,” *El Elioni*; i mupati “NDIME,” kutali Nda kaliko; NDIME, bbala lyamba ciliko eno. “Elyo Wa kamulongeza.”

118 Amuswiilile awa aniini buyo ambele, aboobo inga twa jana ciiyo kuswena antomwe aniini. Lino kampango ka 4.

Lino amuyeeye obo muntu oyu mupati mbwa, . . .

Ndi yeeya ceeco, ambebo. “Amuyeeye obo Muntu oyu mbwa kali mupati.” Ula indilila kukuba Mwana wa Leza. I Mwana wa Leza wakali jisi wisi a banyina; Ta kajisi. I Mwana wa Leza waka jisi matalikilo aa ciindi a magolelo aa ciindi; Ta kajisi. Wa kalini oyo? Oyo wakali Wisi wa Mwana. Obo Mbwa kabede.

*...amuyeeeye oyu muntu mbwakali mupati, ku...
naba sikale Abrahamu wakapa kwakkumi kwa zyonse
zisaalo.*

119 Lino amuswiilile kabotu.

*Elyo ncobeni abo bakali bana ba Levi, abo batambula
mulimo wa bupaizi, kuba...mulao wa kubweza
cimanyakkumi ca bantu kweendelanya ku mulazyo,
nko kuti, zya babunyina babo, nekubakuti ba kazwa mu
cikungu ca Abrahamu:*

120 Lino amulange eci ikuti na muyanda kubona cintucimwi.

*Pele walo wa mukowa ta zumanani kwa...kuzwa kuli
mbabo bakatambula kwakkumi kwa Abrahamu, a kumu
longezya oyo waka jisi cisyomezyo.*

121 Abrahamu waka jisi cisyomezyo, nkabela oyu Muntu wakalongezya Abrahamu oyo waka jisi cisyomezyo. Nguni oyu? I bana ba Levi bakapa kwakkumi kuli babunyina na...Babunyina babo bakapa kwakkumi kuli mbabo. Bakali jisi mulao wa Mwami waku bweza kwakkumi wa ceeco babunyina nco bakapanga, caku ponena kwako, nkaambo bakali bupaizi. Lino, eco lekela Bupaizi bwa Melikisedeki, mbuli mbo mwaambaula makani, mpoonya alya. Mbo mbubo. Pele oyu Muntu...Naba umwi waka jisi cisyomezyo, muntu mupati maningi aa nyika, Abrahamu, waka swaana oyu Muntu a kupa kwakkumi kuli Nguwe. [Kabeela katakwecintu aa teepu—Mul.] Wa kali mupati winda.

122 Amuswiilile.

*Elyo kakutakwe kukazyanya kumwi muniini ula
lelekwa ku mupati.*

Cilimasimpe. Amulange Oyo Mbwa bedede.

Elyo mbaaba bantu bafwa bala tambula kwakkumi;...

Obo mbobupaizi bwa matobelanwa aa bapaizi a bakambausi, abamwi bambi. Bantu abo batambula kwakkumi, balafwa. Mwabona?

*...pele mpaawa wa kabatambula, abo bakapa
bumboni kuti ula pona.*

123 Ino muntu inga wabwezela nzi cimanyakkumi, ikuti wa kajisi kumwi...Ikuti na taka zyalwa, nkabela taka fwi, alimwi wakali kuzwa ku matalikilo uya ku mamanino, alimwi—alimwi taka jisi wisi na banyina na mukowa, alimwi wakali mukamwini wa Majulu a nyika yonse a zyonse muli njiyo, nkaambonzi nca kabwezela kwakkumi? Nkaambonzi nca kaambila Abrahamu kupa kwakkumi? Mwa bona na mbo cili cintu cisinizizeye kupa kwakkumi? Cimanyakkumi cili luleme. Onse Munakristo ulaangidwe kupa kwakkumi. Mbo mbubo. Ta cina cinca.

124 Lino:

Elyo mbuli Mbwe konzya kwaamba obo, Levi awalo, oyo wakatambula kwakkumi, wakapa kwakkumi muli Abrahamu.

125 Lino, oh, nceeci cintucimwi.

Nkambo na kacili mu cikungu ca wisi, cindi Melikisedeki naka muswaana.

126 Inzi, Levi? Abrahamu wakali syanene mupati mupati wa Levi. Elyo Bbaibbele lya kaamba awa, kuti, “Levi wakapa kwakkumi cindi na kali mu cikungu ca Abrahamu.” Nzyalani zyone katana kusola kuboola aa nyika, wa kali kupa kwakkumi kuli Melikisedeki. Lilelekwe Zina lya Mwami!

127 Mpawo, nywebo nomutasyomi mu kukanzwa, na Kusalilwalimwi; elyo awa, nzyalani zyone Levi katana sola kuzwa ku cikungu ca Abrahamu wakali kupa kwakkumi kuli Melikisedeki. Ni twali jisi ciindi kweenzya ceeci kwiinda mu Lugwalo.

128 Ikuti na mwayanda ku citola okuya mbuli muli Jeremiya 1:4, Leza wakati, “Nda kalikuzi akwalo kotana bumbwa mu luzyalilo lwa banyoko. Elyo Nda kakusalazya a kukusala kuba musinsimi ku masi.” Mpawo waamba nzi cakuti wa kacita? Ncinzi Nce konzya kwaamba kuti Nda kacita? Ngu Leza oyo utondezya luse. Leza wakali tuzyi kakutanaba ntalisyo ya inyika.

129 Ta yandi kuti umwi akanyonyooke. Nee ncobeni. Pele ikuti na Ngu Leza, Wa kalizi oyo wakali kunoyo kufutulwa a yooyo watakali kunoyo futulwa, nape Taakwe cintu nca kazi. Ikuti na Ta kazi. . . Ikuti na tazi oyo uyo cikonzya mu Kukwempwa, inyika kaitana kusola kubumbwa, nkokuti Tali Leza. Ikuti na Walo mupatikampatila, Na ka. . . Wa kalizi ntabwa yonse, nzinini yonse, njina yonse, kabbandama koonse, kakali kuyoooba aa nyika, nyika kiitana kasola kubumbwa. Mbo mbubo. Wa kalizi zintu zyonse. Kakutanaba ntalisyo ya inyika, Wa kali tuzi. I Bbaibbele lyakaamba, kuti “Wa kali tuzi alimwi waka tukanza.”

130 Atu manizye ceeci lomwe buyo. Atu jokele ku Baefeso, chipati ca 1. I ca 5 chipa- . . . I chipati ca 1 ica Baefeso, asyoonto buyo. Ndi yanda kubala awa aniini buyo, kutegwa mumvwisye ncobeni kuti tacili buyo cintucimwi Nce sola ku mwaambila. Calo ncintucimwi Leza ncasola ku mwaambila. Mwabona? Lino amuswiilile kuli ceci, kabotu loko, chipati ca 1 ica Baefeso.

Paulo, muapostolo wa Jesu Kristo kwiinda ku luyando lwa Leza, . . .

I muntu nguonya wakalemba lugwalo lwa Bahebrayo, ulemba lugwalo olu.

. . . ku basalali . . .

Eci tacili ku batasyomi, pele ku basalali, i salazi- . . . bantu basalali.

. . . abo bali ku Efeso, aku basyomeka muli Kristo Jesu:

Luzyalo lube kuli ndinywe, a luumuno, kuzwa kuli Taata wesu Leza, a kuzwa ku Mwami Jesu Kristo.

Kulongezegwe kukuba Leza a Taata wa Mwami wesu Jesu Kristo, wa ka tulongezya a zilongezyo zyonse zya kumuuya mu masena aakujulu . . .

“Kweendelana mbuli Mbwa . . .” Lino, amuswiilile kabotu lino, kampango ka 4.

Kweendelana mbuli mbwa katu sala swebo muli nguwe kuzwa ku malengelo aa inyika, . . .

Mbaani ba “swebo” alya? I Mbungano.

. . . wa ka tu sala swebo muli nguwe (Kristo) kuzwa ku malengelo, aa nyika, kutegwa tuka salalile a kubula kumpenda kumbele lyakwe mu luyandisyo:

Muku tu kanza ku kubikkwa kwa bana kwiinda muli Jesu Kristo mwini, kweendelana ku kubotelwa Kwakwe Mwini kwa luyando lwakwe,

¹³¹ Nguni wa kacicita? Leza ngwa kacicita. Leza wakalizi kuzwa ku matalikilo abo bakali kunoyo futulwa abaabo batakali kunoyo futulwa. Nincobeni, Ta kali kuyanda kuti umwi akanyonyooke. Pele Ta katuma Jesu okuno kuzo bona buyo kuti inga—mbo muyo lilemeka, “Ee, Jesu mucete, Nda Mu fwida nsoni. Ndiza ncibotu Nda futulwa a ku cizumina.” Peepe, munene.

¹³² Leza wakalizi ku matalikilo abo bakali kunoyo cita abaabo batakali kunoyo cita. Aboobo, nkikaako, Wa kalizi bamwi mbo bakali kunoyo cita, aboobo Wa katuma Jesu ku kubamba mulungo wa baabo Mba kazikale. “Nkambo abo Mba kazikale, Wa kabaita. Alimwi abo Mba kaita, Wa kaba lulamika. Alimwi abo Mba kalulamika, Wa ka (bbala lyamba cakainda) bapa bulemu.” Mpaawo we.

¹³³ Aboobo toli nduwe ulibamba omwini, nduzyalo lwa Leza lu kubamba. To kalifutula lwako, kwiina ncokacita celela kufutulwa. Nduzyalo lwa Leza lwa kakufutula. Luzyalo lwa Leza lwa kakwiita. Kuzibakale kwa Leza kwa kalikuzi. Wa kalizi kuti unooli mu mbungano eyi masiku aya, kuzwa ku malengelo aa inyika, ikuti na Walo mupatikampatila. Ikuti na Tali obo, Tali Leza. IKuti na Wa kalizi zintu zyonse, Wa kali Leza. Ikuti na Ta kazi zintu zyonse, Ta kali Leza. Ikuti na Ngu Leza Singuzuzyonse, Ula konzya kucita zintu zyonse. Ikuti na ta konzyi kucita zintu zyonse, Tali Leza Singuzuzyonse. Mpaawo we.

134 Aboobo mbobuti mbo konzya kwaamba kuti ncintucimwi caka konzya kucita? Taakwe cintu nco konzya kucita. Lwalo nduyandisyo a luzyalo lwa Leza kuli nduwe, kuti akwalo uli waano. Taakwe nco kakonzya kucita, Leza waka kwiita ku luzyalo Lwakwe; wa kaswiilila, kamvwa, akuzumina.

135 “Ee,” nywebo mwati, “Mukwesu Branham, eci citubamba kutabikkila maanu loko.” Kulacita ncobeni. Uli angulukide. “Ee, oyo mulombwana inga wacita cili conse nca yanda.” Nconzyo. Ndila cita lyoonse eco Nce yanda kucita. Pele ikuti na uli Munakristo, to yandi ku lubizya.

136 Kuli musimbi wakaindi muniini uukkede kusule okuya sunumasiku, mukaintu wangu. Ndila muyanda a konse kuli muli ndime. Elyo ikuti Ne kalizi kuti Nda konzya kweenda a mwanakazi umbi akuta subulwa kuli nkuko, elyo kwiinka kuyo mwaambila, a kuti, “Meda, Nda kalubizya,” sena muyeyya kuti Ne kacicita? Ikuti na ndi muyanda kabotu, Nse kaciciti. Mbo mbubo.

137 Lino, ino kuti Nda amba kuti, “Oh, Nse konzyi kucicita. Nkaambo, Ndila mwaambila kaambo. Inga waa ndileka, elyo Nda jana. . . Oh, Ndili mukambausi. mwabona eco ncocinga cacita? Eco inga candi gusya ku cikambaukilo, ikuti na kandi leka. ‘Ii mwaalumi wakalekwa, oh!’ Ndi jisi bana botatwe; Inga nse yeeya cili boobo. Pele, mulombe Ndi. . .”? Ee, ikuti na eyo nje nzila mboibede, ucili simulao. Taili mbaakani ya mulao kuti Nda kamukwata. Taili mbaakani ya mulao indi bamba kupona kasimpe kuli nguwe. Nkaambo kakuti Ndila muyanda. Ta ndeedede kucita cili conse. Ndila cicita acaali nkaambo nca makani a luyandisyo. Elyo ikuti na ula muyanda mukaintu wako, uyo cita cintu nciconya.

138 Elyo ikuti na ula muyanda mukaintu mbuli obo, a luyandisyo lwa *phileo*, ino weeledede kucita nzi kukucitila Kristo kubelesya luyandisyo lwa *agapao*, olo lwa nguzu maningi ziindi zili milioni, ikuti na ula muyanda nconzyo Leza? Ikuti na Nda akalizi kuti Nda konzya kuya kubusena akuyo kolwa, ikuti na Nda lizi sunumasiku kuti Nda konzya kweendauka a kuba sibwaamu, ikuti Nda lizi, sunumasiku; ikuti na akwalo mu moyo wangu kucita boobu, elyo Nda unka kuyo cicita, mukuziba kuti Uyo ndilekelela, Ne tacicita. Ndi Mu yeeya maningi. Ndila Mu yanda. Masimpe. Ncamasimpe.

139 Ako nke kaambo Nce takasambala luzibo lwangu ku kabungwe kamwi, (peepe, munene), kwiina ka Assembledisi ya Leza kwiina ya Mbungano iya Leza, kwiina ya Pilgrimu Holinessi, Methodisti, baptisti, Presbyteria, Katolika. Nse kakonzya kutola cili conse cakali kukonzya kupegwa, ku luzibo olu. Nkaambo, tii lwakasika kwinda ku muntu. Lwa kasika kwinda kuli Leza. Peepe, munene. Nse kakonzya kusambala bupati bwangu kuli cimwi cizyano cakuliyuumba buniini ca

Elvis Presley, na ku mulongo wako wa Katolika, na yakwe, na, Makkadilaki, na madollar akwe ali milioni. Peepe, munene. Nda Mu Yanda. Alimwi ikuti Nda . . . Kufumbwa kuti Nke Mu yanda mbuli obo, Njo kkala cakusyomeka kuli Nguwe. Elyo ikuti na Leza waka ndiita akundi sala, Wa kabikka cintucimwi muli ndimwe, nkabela Nda Mu yanda.

¹⁴⁰ Nda bayeeya Ba. Isler. Nyoonse muli bazi, bunji bwanu nyonse. Wa kaboola nkonya okuno, seneta wa cisi ca Indiana; kaboola okuno, wakalizya gitaali lyakwe. Cindi muvwanda wangu nakafwa, mukaintu wangu wakali fwide, nkabela boonse babo kabalede awa mu namaumbwe. Elyo Nda kali kuya butanta mugwagwa, a maanza angu kusule lyangu, nkelila. Wa kasotoka kuzwa mu traki lyakwe, liniini lyakaindi, akundi gwambatila a maboko akwe, kati, “Billy, Ndi yanda kukubuzya mubuzyo.” Kati, “Nda kakumvwa kukambauka kusikila wakali kutandila kuwida aa cikambaukilo. Kakumvwa mu tunyoneno twa tugwagwa a zintuzyonse, koompolweda Kristo.” Kati, “Lino Wa katola bauso. Wa katola munyoko. Wakanyanga bobilo, nkabela baka fwida mu maboko ako. Mpaawo wakafwa. Mukaintu wako wakafwa, kojatilide maanza ako. Alimwi muvwanda wako wakafwa, elyo yebo ko Mwiita kuti akugwasye. Elyo Wa kakufutatila a sule Lyakwe. Ino uyeeya nzi kujatikizya Nguwe?”

¹⁴¹ Nda kati, “Nda Mu yanda a konse kuli mukati kangu. Ikuti na Wa nditumina ku gehena, Ndi ciyo Mu yanda.” Uli luleme. Ta ndaambi eco; myaka ili makumi obile ali cisambomwe yaka citondezya. Mbo mbubo.

¹⁴² Ikuti na ula Mu yanda! Kutali bulizi, kuti, “Nse konzyi kucita *ceeci*, alimwi Nse konzyi kucita *ceeco*.” Ula Mu yanda maningi caku kakilwa kucicita, nkaambo Wa kakusala. Toka Mu sala, Wa kakusala.

¹⁴³ Wa kati, “Nda kamuyandaula Mwami, a kumuyandaula Mwami.”

Taakwe muntu uyandaula Leza. Ngu Leza, uyandaula muntu. Inga kono yandaula luzyalo lwa Leza, pele Leza weelede kucinca bupange bwako kotana akwalo kukonzya ku Mu yandaula, nkambo, uli sizibi, uli ngulube. Mbo mbubo.

¹⁴⁴ Elyo nobantu bamwi nomuunka ku mbungano a kuponena buyo ku bumembala bwanu, kuunka aa kucita zintuzyonse muinyika, alimwi mpawo ku cijokela a kuti, “Inzya, Ndi zulilwa ku mbungano.” Ee ezyo ni nzila zilamfu kuzwa kukuzulilwa Leza. Cilimasimpe. Nse citi . . . Pele mula babona bantu kaba cita *ceeco*, inga wakonzya kuziba. Oh, balo mamembala mabotu aa mbungano. Obo mbwini. Inga kocili membala wa mbungano a kucita ezyo zintu, pele to konzyi kuba Munakristo a ku zicita.

¹⁴⁵ Mbuli Mbwe amba, kuseeni oku, “I cikwangala wakaindi, ikuti na kwakali sikuupaupa lyonse, ngu cikwaangala.” Mbo

mbubo. Walo a nziba zya kakkala mu bwaato bomwe, mozya kakkede mu citeente nciconya. Elyo cikwaangala wakaindi waka kkutila cindi na kaangulula, a kuzwa mu Mbungano eyo, kuti wa kakonzya kuzwa okuya akukkala a mutunta umwi wakaindi wakafwide akuti, “kwee, kwee,” a kulya kuzwa kuli umwi *oyu*, kulya kuzwa ku mbizi, a kulya kuzwa ku ng’ombe, alimwi kufumbwa mbo cakabede, wa kakkutila. Pele cindi Nowa nakaangulula nziba, tii yaka jana akukkalila ndyato zya matende ayo. Ya kali jisi nguzu zinji zya kukkala a munyama ufwide mbuli cikwaangala mbwakacita, pele bwakali bupange bobilo bwandeene. Umwi wabo, yakali nziba, ku kotalika. Wa kali cikwaangala, ku kotalika.

¹⁴⁶ Pele, ikuti na mwalangisya, cikwaangala wakaindi inga wakkala awa aa mutunta wakafwide a kulya, cisela ca buzuba. I nziba uyo kkala mu muunda wa maila a kulya, cisela ca buzuba. Elyo cikwaangala inga wauluka nkoonya okuya akulya cakulya ca nziba, kunji mbuli mbwa yanda. Inga walya kunji buya kwa maila mbuli cikwaangala mbwa konzya, na, mbuli nziba mboi konzya. Pele walo, cikwaangala, inga walya cakulya ca nziba, pele nziba tai konzyi kulya cakulya ca cikwaangala. Mbo mbubo.

¹⁴⁷ Aboobo, skuupaupa wakaindi inga wasika ku mbungano, akusekelela a koongolola a kulumbaizya Mwami, akuzumanana mbuli boobo, a kujokela ncobeni a kubotelwa zintu zya inyika. Pele Munakristo wakazyalululwa takonzyi kucicita, nkaambo luyandisyo lwa Leza kula musungilizya kubusena obo cakuti ta konzyi kucicita.

¹⁴⁸ Aboobo ikuti na uli Munakaristo buyo ku kusangana mbungano, a kuleta kucita *ceeci* a *ceeco*, a kuyandisya nkukonya kucili muli nduwe, kuyandika kubbizigwa kumbi. Mbo mbubo ncobeni.

¹⁴⁹ Alimwi nywebo nobanakazi nomu konzya kusama zigonkolole ziniini zyakaindi, alimwi nkoonya okuno ku kagwagwa, elyo mpawo kuliita lwako kuti “musyomi.” Uli musyomi, pele uli mukozyanyo mubi wa umwi, ndiza. Ikuti na wakajisi Kristo ncobeni mu moyo wako, nota kayeeya makani a zintu mbuli ezyo. Ta ndikwe makani eco bamwi banakazi ncoba cita, a bamwi basimbi ncoba cita, inga koindene, nkaambo ula muyanda kapati Kristo.

¹⁵⁰ Nda kaambaula ku mwanakazi buzuba bumwi, mu ng’anda, nkabela waka waala maanza aakwe mujulu mbuli *obu*, kati, “Muf. Branham, Ndi tandila kuba sicinswe, omuno mu ng’anda. Ndi leedenda konse.”

¹⁵¹ Nda kayeeya, “Mause kuli nduwe.” Mu ng’anda yanngu ini, Ta ndikwe makani awo mpobede. Mbo mbubo. Kosama a kulilemeka mbuli mwanakazi, mbuli mulindu mbwaelede kucita. Mause kuli nduwe. Pele kozumanana . . . Inzya, Bbaibbele

lya kati, “Ikuti na uyandisya zintu ezyo, zintu zya inyika, luyandisyo lwa Kristo talumo nomuba muli nduwe.” Elyo ikuti na ula muyanda Mwami, amoyo wako onse, a buntu bwako bonse, a mizeezo yako yonse, uyo zitantamuna ezyo zintu ziini, zyakaindi zyatombe zinunka kuzwa kuli nduwe. Mbo mbubo.

¹⁵² A nywebo nomadaikona, anywebo bamwi awa, abo beendauka mu tugwagwa awa, a kuzilikizya nsingo zyanu canciki a kulanga aumwi mwanakazi wabo. Mause kuli ndinywe; nkabela kuliita lwanu kuti “bana ba Leza.” Ndi lizi kuti eco cilaumpa, pele inga wasala kuumpwa kwiinda kuyo umpwa kwa lyonse okuya. Aboobo ikuti na ula zicita zintu ezyo. . . Lino, to konzyi kucicinca ikuti na mwanakazi uleenda kuselemuka kagwagwa, katasamide cakumaninina. Yebo, ikuti na uli langide, ulaangidwe ku mubona, pele inga waunyona mutwe wako. I Bbaibbele lya kati, “Kufumbwa oyo uulanga mwanakazi caku musukama, wacita kale mamambe anguwe mu moyo wakwe.”

¹⁵³ Andi kwaambile cintucimwi, mucizi oyandwa, uyoopa bwiinguzi. Ta ndikwe makani, inga wa njoloma mbuli mpana. Kwayanda inga toka cita ncobeni cibi ca musyobo oyo, cibi cabwaamu, mu buumi bwako. Pele ikuti na wasama boobo, uyo ingula ku Lubeta ku kucita mamambi a mwaalumi onse waka kulanga. I Bbaibbele lya kaamba. Elyo kweenda kuselemuka kagwagwa, nguni ujisi mulandu, mwaalumi? Peepe, munene. Nduwe lwako. Wa kalitondezya munzila eyo.

¹⁵⁴ I mwanakazi ujisi busena bulemu. Bwalo mbusena, busetekene, bweebeka kabotu. Pele weelede kulibamba boobo, kujata mulimo wakwe mbuli mbwa elede, mbuli mutumbu, mbuli mwanakazi a wa bwanakazi. Cindi bwanakazi bwa nyongana, moongola wa cisi cili conse wanyongana. Elyo nke kaambo, sunu, cisi cesu cakanyongana, nkaambo ka bwaamu bwa banakazi besu. Mbo mbubo ncobeni. Masimpe. Nkubola kuti akati kesu, oko nkuubutyola.

¹⁵⁵ Nco muyandika nku swaangana oyu Melikisedeki ciindi cimwi. Ameni. Abe walo—abe Walo ukulongezya a kukupa waini, cinkwa, Buumi Butamani. Mpawo mubona zintu bwaandeene. Mpawo muyo. . . Ciyooaba caandeene. To kayandi balombe kuno panga ii. . . umpe wamusyobo wababwa ku kusibila, umpe kusiba, na kufumbwa mbo yanda kuciita. Nee ncobeni. Uyooba wandeene.

¹⁵⁶ Elyo waamba ku ndaambila kuti usama boobo, a kuzwa kuya okuya, ku bukanze bumbi bumwi? Yebo wati, “Baa, kutontola maningi.” Wa amba kaano kabuyo. Taku tontoli maningi. Sayaansi ilatondezya kuti taku tontoli maningi. Calo ii. . . Calo ncisusi cili ali nduwe, mucizi. To cimvwisyi. Nse soli kukucisa, pele Ndi sola ku kucenjezya. Ii mwanakazi ulilemeka kabotu, caku salala mbuli mbwa konzya kuba, mulindu muniini mubotu,

kayutuka a zintu ezyo, mu kagwagwa, cakutaziba eco ncali mukucita, nkaambo umwi mukambausi wakawa ula yoowa kuti mulumi wako takapi limbi kwakkumi kwakwe mu mbungano. Ikuti na wakasola kumuswaana Melikisedeki, ta ka ziyeyi zintu ezyo. Inga wakambauka Makanimabotu. Ikuti na cakaumpa lukanda lwa sule lyabo, inga wa Aka mbauka, nekuba. Mbo mbubo ncobeni.

¹⁵⁷ Ula cicita, alimwi ula cicita nkaambo kakuti muuya wa cisusi ulipakamene. Elyo nywebo nobaalumi balekela bamakaintu banu kucita musyobo oyo wa zintu, Ndi jisi bulangizi buniini kuli nduwe mbuli mwaalumi. Mbo mbubo. Mbo mbubo. Lino, taakwe kulumbaizya ali ceeco, nkaambo, na, taakwe kulilekelela, nkaambo, obo mbwini. Kufumbwa mwaalumi uyo lekela mukaintu wakwe kuunka ku kagwagwa a kulilemeka boobo, mukwesu, weelede kuno sama zisani *zyakwe*. Mbo mbubo. Yebo, baa, ma!

¹⁵⁸ Ta ndaambi kuti mukaintu wangu taka ciciti. Pele Nde elede kucincwa a kupilinganisigwa, kuli obo Mbwe bede eno, ikuti na Nda sola kupona anguwe kuciindi na cicita. Elyo mbo mbubo ncobeni.

Basimbi bangu, inga bacicita cindi baakuba banakazi. Ta ndaambi kuti taba kaciti. Ta ndizi. Eco cili ku luse lwa Leza. Ndi langila kuti bata kaciti. Ikuti na ba kacite, bayo ubausya mipailo ya wisi mululami. Bayo ubausya buumi bwa muntuumwi oyo wakasola kupona kabotu, ikuti na bakasole kucicita. Mbo mbubo. Pele Ndi yanda kupona kabotu, kuyiisya kabotu, kuba uli kabotu, a kukonzya kuba lailila kabotu. Ikuti na ba kacite, bayo lizundila kujana nzila yabo iya ku gehena, atala lya kukambauka kwangu, alimwi atala lya Kristo wangu, alimwi atala lya kucenjezya kwangu, mbo mbubo, ikuti na bakasole kucicita. Cilimasimpe. Mbo mbubo.

¹⁵⁹ Mause kuli nduwe. Ikuti na wakasola kuswaana Kristo, busyu ku busyu, nkabela Wa kulongezya, akubikka oko kumyonta kwa kuzumina ku moyo wako, madaimona onse mu gehena taka konzyi kukubamba kuzisama alubo. Mbo mbubo. Wa kacinwa kuzwa ku lufu kuya ku Buumi, a kusukamina kwako kubikkwa aa zintu zyaatala nkabela kutali zintu zyaansi. Amen. Ncibotu ndisiye ciyo eco. Nciyumu kulanganya. Yaa. Pele bwalo Mbwini.

¹⁶⁰ Ncibotu, mbuli mbo tu zumanana eno ambele buyo aniini, mpawo tula jala.

...ncobeni balo bana ba Levi, . . .katambula kwakkumi kwa mulimo wa bupaizi, a kuba a mulao waku bweza kwakkumi kwa bantu kweendelna ku mulao, nko kuti, wa babunyina, nekubakuti ba kazwa ku cikungu ca Abrahamu:

Pele walo utakwe mukowa uutabalwi kuzwa kuli mbabo abo bakatambula kwakkumi kwa Abrahamu, a kuleleka oyo wa kajisi cisyomezyo.

Elyo antomwe konse kukazyanya muniini ulelekwa ku mupati.

Elyo mbaaba bantu bafwa batambula kwakkumi; pele mpaawa oyo ubatambula, kuli nguwe kupedwa bumboni kuti ula pona. Elyo Nda . . .

Elyo mbuli Mbwe konzya . . . kwaamba, Levi awalo, . . . wakatambula kwakkumi, wakatambula kwakkumi, wakapa kwakkumi muli Abrahamu.

Nkambo kacili mu cikungu ca wisi, cindi Melikisedeki naka muswaana.

¹⁶¹ Kulanganya kwako—kwako kuli Kristo kuyo bamba bube bupati aceeco bana bako mbo bayooba. Buumi bwako mbo pona kumbele lya mukwasyi wako buyo bamba bube ali ceeco bana bako mbo bayooba. Nkaambo, Bbaibbele lya kaamba, kuti, “Uyo swaya milandu ya bazyali ku bana ku nzyalani yatatu a yane.”

¹⁶² Lino, ziindi buyo zisyoono, katutana kujala.

Elyo nkikaako ikuti na bulondosi (mboobo bulondosi bwanu alubo) balo kwindi ku bupaizi bwabu Levi, (nkambo kungsi lyabo bantu baka tambula mulao,) ino kuyandika anzi kumbele kuti kuli kuboola . . . mupaizi umbi weelede kubuka mbuli ncililano ya Melikisedeki, a kuta itwa kutobela ncililano ya Aroni?

¹⁶³ I mulawo, situlaolao, mwabona, “Oh, weelede kucita *ceeci*. Ikuti na to citi *ceeci*, toli Munakristo. Ikuti na tobambi sabata! Ikuti na to . . . Ikuti na ulya nyama! Ikuti na ucita *ezi* zintu!” Yonse eyi mizeezo ya milao. “Alimwi weelede kuunka ku cikombelo. Ikuti na to citi, uyo kubbadelela. We elede kucita novena.” Eco cintu ncabufuba. Ula futulwa ku luzyalo lwa Leza, ku kuzibakale kwa Leza, ku kukanza Kwakwe. Leza wakaita Abrahamu aa kukanzwa, aa kuzibwakale. Wa kaita. Wa kasulaika Esau, a kuyanda Jakobo, aumwi wabo kataninga kuzyalwa. Mbo mbubo. Kwalo—kwalo nkuzibwakale kwa Leza kuzi zintu ezi.

¹⁶⁴ Nywebo mwati mpawo, “Ino cigwasyanzi kukambauka Makanimabotu?”

¹⁶⁵ Lino Ndila mwaambila, *ceeci*. Paulo waka uvwiila oyo, na Jesu wakacita, mubwini. Ngooyu Jesu. Wa kati, “I Bwami bwaku Julu bulikozyenye ku muntu wakainka kuli *ceeci*, ii—ii ciziba na lwizi, akuwaala kanyandi mukati. Wa kakwela. Kuzwa omuya, wa kajisi bafulwe. Wa kajisi tunondo tuniini. Wa kajisi nzoka. Wa kajisi badyolo. Wa kajisi bacula. Wa kajisi basiluubilili. Wa kajisi zibwezelela mitunta. Wa kajisi—wa kajisi nswi.” Lino, muntu kazela buyo.

166 Oko kuli mbuli Makanimabotu. Nceeci we lino, Ndi kambauka Makanimabotu. Ndi waala buyo kanyandi mubusena. Nda kakwela, Ndi lati, “Bonse abo bayanda, kufumbwa muntu, walo aboole.” Mpaawa kwaboola bamwi, ku cipaililo. Bonse babungana ku cipaililo. Ba komba. Ba lila. Ta ndizyi umwi kuzwa kuli umbi. Tauli mulimo wangu. Nse katuminwa kubeteka.

167 Pele, kuli bamwi omuya bacula. Kuli bamwi badyolo. Kuli bamwi nzoka. Cili, bamwi, mbafulwe. Alimwi kuli bamwi bali ninswi. Tauli mulimo wangu kubeteka. Ndi lati, “Taata, nzeezi Nze kwelela anze.”

168 Pele, cula wakali cula, ku kutalika.

169 I siluubilila, siluubilili wakaindi uyo kkala alya a kulanga konse, kaidikaniini, kapwatula meso ayo mapati, kalanga konse, kwaamba, “Yebo ulizi na? Ndi tandila buyo kuba akunji mbuli Eci mbuli Mbwe konzuya kwiima.” Plopu, plopu, plopu, plopu, mpaawo zyaunka.

170 Inzoka ilindu yakaindi iyo nusya mutwe wayo, a kuti “Ee, yebo ulizi na? Ikuti na bayo kambauka boobo, kulwana kusama zigonkolole a zintu, oko kula ndigusya. Aboobo Njo zwa ku cikama eco ca babumbulusi basalala. Nku konse nko cakelede kuba.” Wa kali nzoka kuzwa ku matalikilo. Mbo mbubo ncobeni. Inzya.

171 Elyo ngooyu uli kkede cula mudaala wakale, a mundundu oyo mupati ncobeni mu mulomo wakwe, mbuli ng’ombe ntole ina Texas yaka kulwa meja, uyo imikila alya a kulanga konse, kwaamba, “Ee, takuna ndipa mulandu kufweba. Njo zwa buyo mu cintu eci, ndyoonya lino.” Ee, yebo ocula wakaindi, wa kali obo, ku kutalika. Mbo mbubo ncobeni. Mbo mbubo ncobeni.

172 Bupange bwako butondezya obo mbobede. Buumi bwako bula tondezya, buzibya obo mbobede, alimwi ku matalikilo. Tacili ciyumu kubona ceeco. Tacili ciyumu kuli nduwe ku cibona.

173 Ikuti na Nda kaunka kuli Roy Slaughter uli mulimi ukkede awa, nkabela Nda kabona ngulube aa cilwi ca buloko, kulya buloko, inga Nse yeeya cintu cibi kujatikizya ceeco. Walo ni ngulube. Pele ikuti Nda kabona kabelele atala lya cilwi ca buloko, inga Nda gambwa. Uh-huh. Mwabona? Uta pengi, uyo mubona alya. Ta kakonzya buyo ku cizunda. Mbo mbubo.

174 Elyo muntu waka zyalwa aa Muuya wa Leza ula sulaika zintu zya inyika. Mbo mbubo, “Nkambo kuti koyanda inyika na zintu zya inyika, luyandisyo lwa Leza taluko akwalo muli nduwe.”

175 Ikuti na Nde enda a mwanakazi abuzuba, a kunjila, kwaambila mukaintu wangu kuti Nda kali kumuyanda, inga nakaziba kuti Nda kali mubeji. Micito yangu iyo kanana kapat

kwiinda majwi angu. Cilimasimpe. Nda tondezya kuli nguwe kuti Nse kali kumu yanda, nkaambo Nse kaluleme kuli nguwe.

¹⁷⁶ Waa kandaambila kuti waa kali kundiyanda, alimwi ciindi conse Ne kali kuzwa, waa kali kuzwa kweenda a muntuumwi umbi, inga catondezya kuti takali kundi yanda. Yaa. Micito yakwe ila citondezya. Ta ndikwe makani kunji nkwa konzya kusola ku ndaambila, “Bill, Nda kuyanda, alimwi ngooyo umwi umbi mu inyika pele yebo,” Inga nekaziba kuti waa kali mubeji.

¹⁷⁷ Elyo cindi wasola kwaamba kuti, “Mwami, Nda Ku yanda,” a kucita zintu zya inyika, Leza ulizyi kuti uli mubeji, ku kutalika. Aboobo nkaambonzi? Ino cigwasya nzi kuzumina luzibo lwa kaindi lufubide, a cintucimwi cimbi mbuli obo, kakuli milengalenga mipati yaku Julu izwide cintu cini? Nkaambonzi uyanda kuba uutegwa, Munakristo, usampaukide, uulibanda, wakatikati uufubide? Kakuli, ula konzya kuba mwana wini waka zyalululwa iwa Leza, ujisi milangu ya lutangalo iyaku Julu kiilila mu moyo wako, kasekelela, a kulumbaizya Leza, a kupona buumi bwa kuzunda kwiinda muli Jesu Kristo.

¹⁷⁸ Kutali kusola ku cicita lwakwe, nkaambo uyo kakilwa, ku kutalika. Pele ko Mu bweza, Ndi Ijwi Lyakwe, a kuyaamina ali ceeco Nca kaamba cakali ca Bwini. Elyo amu Mu syome, aku Mu yanda, nkabela Uyo bamba zintuzyonse kubeleka kabotu mu kululama nkambo ka ndinywe. Nce nceico. Oyo ngo muzeezo.

¹⁷⁹ I Mwami amu longezye. Nse yandi kumu bwekela, pele, mukwesu, nkubotu loko kubwekelwa aniini. Muli bana bangu. Mwabona? Alimwi kufumbwa muzyali uyandisya bana bakwe uyo balulamika ncobeni, nape tali muzyali wa musyobo ululeme wa muzyali. Sa mbo mbubo? Mbo mbubo. Elyo oyu muzyali ujisi biyo mulawo omwe, nkabela oyo ngo mulawo wa muunzi. Alimwi Leza ujisi biyo mulawo omwe, nkabela oyo ndi Ijwi Lyakwe.

¹⁸⁰ Ikuti na tuli lisyoma Ijwi Lyakwe, mpawo tuyo ponena ku Ijwi Lyakwe. Mbulizi bwesu, ikuti na twa kasola kuswaana Leza. Kutali kaambo ka kwaamba kuti, “Ee, Nda unka ku cikombelo, alimwi Nde elede kucita *ceeci*.” Uli sampaukide. Uta citi ceeco. Nkaambonzi nco yanda kuba cikwaangala usampaukide, wakacembaala, mubbi ubaukide nseba, kakuli inga waba nziba? Cilimasimpe. Yebo weelede kuba abupange bwako kucincwa. Alimwi wa cinca bupange bwako, waba mwana musankwa amusimbi wa Leza, kuba aluumuno a Leza.

¹⁸¹ Jesu! “Nkikaako Jesu awalo, kutegwa Ka salazya bantu a Bulowa Bwakwe Bwini, wapakengela aanze lya milyango,” Bahebrayo 13:12 a 13. Baroma 5:1, “Nkikaako muku lulamikwa ku lusyomo,” kutali ku kusukana maanza, kutali ku lubbizyo lwa maanzi, kutali ku kubikwa maanza, kutali a koongolola, kutali a kwaambaula mu myaambo, kutali a kunyanyamukwa kumwi. “Pele muku lulamikwa ku lusyomo, tu jisi luumuno a

Leza kwiinda mu Mwami wesu Jesu Kristo.” Twa kazwa ku lufu kuyaku Buumi, akuba zilenge zipya, nkaambo twa kasyoma mu Mwana wa Leza simuzyalwa alikke, aku Mu zumina mbuli Mufutuli wesu wacigaminina. Elyo Bulowa Bwakwe bulacita, sunumasiku, mbuli mulungo wa cibi cesu, ku kwiima mu busena bwesu.

¹⁸² Mu Cizuminano Cakale, kwakali busena bomwe biyo bwakuba a luswaanano, obo bwakali bwakunsi lya bulowa. Onse musyomi wakacita kuba kunsi lya bulowa. Cindi impwizi iisubila niya kajaigwa, ya kabambwa kuba cipaizyo cazibi. Ya keelede kusubila. Elyo chipati ca 19 ica Kulonga, ikuti na umwi wanu uyanda kucibala. Elyo ya kelede kutolwa, nsumba, zyonse, kuumpwa antoomwe. Elyo mpawo eco cakapanga maanzi akupambula. Ca kabikkwa aanze lya milyango. Caka citwa kujataukwa aa janza lyakali kusalala. I bulowa bwa eyi mpwizi bwakaunka kumbe. . . ku mbunga, a kulambwa ziindi zili ciloba aa citendele. Elyo lino, muntu aumwi wakasofweede wa keenda kumbele, wa keelede kuzumina lutaanzi a kubona bulowa obo, a kuziba kuti kuli biyo luswaanano kunsi lya bulowa obo. Obo mbusena bulikke mukombi mbwa kali kukonzya nconzyo kukomba cakutambulika, bwakali kunsi lya bulowa.

¹⁸³ Mpawo, cintu citaanzi nca keelede kucita, katana konzya kusika kunsi lya bulowa, kwa keelede kuba aya maanzi akupambula kusansailwa ali nguwe, nkabela tabasalali baka salazigwa.

¹⁸⁴ Elyo baka bweza maanzi akupambula a kwaasansaila a muntu sinyendo, a ku mupambula kuzwa ku zibi zyakwe. Elyo mpawo wa keenda kunsi lya eyi myeengo ili ciloba ya bulowa, nkabela wakaba a luswaanano a basyomi bamwi mu Busyu bwa Leza.

¹⁸⁵ Kuli nzila yomwe biyo ya kucicita. Kutali kusukana maanza, kutali kusangana mbungano, kutali ku lubbizyo, kutali ku kulimvwa; pele kweenda ku maanzi a kupambula, kubikka maanza ako, ku lusyomo, atala lya mutwe wa Jesu a kuti, “Ndime sizibi, alimwi Wa kafwa mu busena bwangu. Elyo Cintucimwi muli ndime cindaambila kuti Ula ndijatila zibi zyangu, nkabela Nda Ku zumina mbuli Mufutuli wangu wacigaminina lino.” Kweenda kunsi lya Bulowa, kutala, kuba a luswaanano a bana ba Leza. Nce ncico. Amulye cinkwa, akunywa waini, akuba a luswaanano ku mbungano.

¹⁸⁶ Oh, sa Tali mubotuloko? Sa Tali kabotu? Lino, eci inga caboneka bweenzu kuli nduwe, mweenzuma. Pele ino—ino Ndi imina nzi awa a kwaamba zintu ezi? Sa inga Nda zyaamba kusola kulibamba wiindene kuzwa ku muntuumwi umbi? IKuti na Nda cita, nkokuti Ndi yandikana kweempwa. Ndili muku Ca amba nkaambo Leza waka Ca amba, nkaambo Ndi Ijwi lya Leza. Elyo amuswiilile. Kuli ciindi ciboola, elyo nceecico eci eno,

cindi bantu baakuzwa kujwe kuya kumbo, kusola kujana Ijwi lya Leza, nkabela tabaka Li jani.

¹⁸⁷ Cindi waunka mu muswaangano, cintu citaanzi neo cita, ula njila omuya a kujana cikama ca myaambo a bupanduluzi, nkabela muntuumwi wabuka a kuzumanana kubalulula Lugwalo; nkabela ooko nkwanyama. Neonzyo. Leza waka twaambila “kuta belesya kuloolola kwabuyo,” ino kujatikizya Nguwe? Ikuti na Wa ka Li lemba lomwe, ula Li syoma. Ta elede ku Lya amba alubo. Myaambo a bupanduluzi zili luleme, pele weelede kuba mulumbe uugama ku mbungano a ku muntuumwi, kutali buyo kwakunyama a zintu mbuli ezyo. Elyo mpawo koyambele muli zyonse zintu ezi zimbi.

¹⁸⁸ Okuno buzoba bumwi, baalumi bobilo bakeenda mu... a mwaalumi a mukaintu, alimwi mwaalumi umbi a mukaintu, bakazwaa kukwatana bakubusyi, keenda mu busena, kuya ku Africa mbuli bamamissionari. Muntuumwi wakaimikila akupa cisinsime, akupa myaambo a bupanduluzi, kuti, “Ba kayandilana bamakaintu.” Kutu, “Ta ceelede kuba boobo. Ba kakwata bantu bateeleli.” Elyo abo bantu bobilo bakandaana a kukwatulula, alubo. Umwi mwaalumi wakabweza mukaintu waumbi, aumbi waumwi, mu kusololela kabungwe ka Pentekoste, a kuya ku Africa mbuli bamamissionari.

¹⁸⁹ Mukwesu, cindi wabweza cikonke cako, ulaangidwe ku cikonke eco kusikila lufu luka kwaangulule. Mbombubo ncobeni. Cilimasimpe. Cindi wabweza cikonke cako, cila anga.

¹⁹⁰ Zyonse ezi, mbufuba! Elyo cakasika ku busena mane waunka ku mabungano, antela kula tontola kapatu na kwakalengwa a iitakwe bubotu, kusikila thermomita ya kumuuya iyo unka fifite kungsi lya ziro. I bantu bakkala buyo mbuli inko aka samu, cabubi buyo a kululauka a kuba aminkusa. Elyo ikuti na wamvwa muntuumwi, kusule loko okuya mu kkona, kuvulukuta kuniini “ameni,” ziindi zisyoonto, mbuli kuti cilaba cisa, boonse babo bayo landamuna nsingo zyabo mbuli dada pati, a kulanga konse, kubona cacitika. Mu lizi kuti obo mbwini. Ta ndaambi eco ku kudana. Obu tabuli busena bwaku danina. Obo Mbwini. Neonzyo. Ndila caamba nkaambo bwalo Mbwini bwa Makanimabotu.

¹⁹¹ Elyo lubazu lumbi, ujana cikama cabufuba ica cikama kuzumanana kwakulimvwa kwakunyama, a Ijwi lini lya Leza kumalekelo lyakasika ku busena oko nko konzya ku Li mvwa mubuce loko: mugwagwa wakati wakaindi, Makanimabotu, Mumuni ku kazila kangu, aleluya, Bulowa bwa Kabelele, luyandisyo lwa Leza lula tupambula kuzwa ku zintu zya nyika.

¹⁹² “Sena wa kaambaula mu myaambo, mukwesu? To na Utambula. Sa wakaongolola kusikila kulimvwa kutontola kwaka tanta kusule lyako? Sa wakabona zikoto zya mulilo?” Oh, bufuba! Taakwe cintu cili boobo.

193 Sena waka musyoma Mwami Jesu Kristo aku Mu zumina mbuli Mufutuli wako wacigaminina? Elyo Muuya wa Leza ulapa bumboni a muuya wanu, kuti muli bana basimbi abasankwa iba Leza. Elyo buumi bwanu buzyala micelo ya luyandisyo, lutangalo, luumuno, kukkazikamoyo, bubotu, lubombo, buuya. Mpawo uli Munakristo. Ikuti na ta cicitu, Ta ndikwe makani eco ncocita.

Paulo wakati, “Nda konzya kupa mubili wangu ku kuumpwa mbuli cituuzyo. Nke zyi onse maseseke aa Leza. Nda konzya kweenzya malundu ku lusyomo lwangu. Nda konzya kwaamba mu myaambo mbuli bantu a Baangelo. Ta ndili cintu.” Mbobuti kujatikizya ceeco? Bakorinto Bataanzi 13; amubone na Eco cili luleme na pe.

194 Lino tu jana kuti—kuti Bakorinto, Bakorinto Babili 13, Nda syoma njiyo. Na, ee, kwayanda Mbakorinto Bataanzi na Babili. Bakorinto Bataanzi awo, Bakorinto Bataanzi 13, ili luleme. “Nekubakuti Nda kanana mu myaambo ya bantu a Baangelo, yobilo ya musyobo ukonzya kupandululwa alimwi oyo uutakonzyi kupandulula, Ta ndili cintu.” Aboobo cigwasya nzi kuli cenga a ncico, kai?

195 “Nekubakuti Ndila mvwisya onse maseseke aa Leza.” Nkaambonzi nco unkila ku maseminari akusola kwiya kunji kwa nkuko? Ncibotu walulama a Leza, lutaanzi. Cilimasimpe. “Nekubakuti Nda, ‘Oh, aleluya ulelekedwe!’”

196 Wa kaba obo kapati kusikila tokonzyi akwalo kuba a mbunga citakuti ujisi mulimo wanguzu wakuponya na musyobo umwi wa maleele kuucitika. “Ii nzyalani ikompeme aya bumambi iyandaula zili boobo.” Ino mu ziyandila nzi ezyo?

197 Paulo wakati wa kalikukonzya kucita misyobo yonse ya zintu, nkuba kweenzya malundu, nkabela katali cintu. “Oko kuli myaambo, iyo mana. Oko kuli luzibo, luyo yabaala. Oko kuli zisinsime, ziyo kakilwa. Pele cindi eco cilondokede cakusika, ciyo kkalila kwa lyonse,” nkabela luyandisyo mbulondosi. “Leza waka yandisya inyika, cakuti Wa kapa Mwana Wakwe simuzyalwa alikke.” Kuteeti, “Kufumbwa uubimba, kufumbwa uzungaana, kufumbwa ukanana, onse na?” “Kufumbwa uusyoma Nguwe ataka lobi, pele kuba Buumi Butamani.” Amusyome eco, nobana.

198 Ba sola kucibamba kuyumayuma loko, *ezi* zintu a *zyalo* zintu. Cindi, cabila ansi eni ku cintu cimwi: lusyomo lwako lugaminina muli Leza. Nce ncico. Eco cila cilungulula. “Nkambo ku lusyomo,” kutali ku kulimvwa. “Ku lusyomo,” kutali ku kulimvwa. “Ku lusyomo,” kutali ku kunyanyamukwa. “Pele ku lusyomo mula futulwa; alimwi eco ku...” Nkaambo wakayandaula Mwami na? Nkaambo wakali muntu uuli kabotu? Nkambo, “Leza, ku luzyalo, wakakuzikale aku kusalila Buumi Butamani.”

¹⁹⁹ Jesu wa kaamba, “Taakwe muntu ukonzya kuboola kuli Ndime citakuti Taata Wangu wamukwela. Elyo onse uusika kuli ndime, Njo mupa Buumi Butamani. Taakwe muntu ukonzya kubagusya kuzwa mu janza Lyangu. Mbi Bangu. Ba kafutulwa kwalyonse. Ndi bajisi. Taakwe muntu ukonzya kubagusya kuzwa mu janza lya Taata Wangu, alimwi Ngo Nguwe wakabapa kuli Ndime. Balo nzipego zya luyandisyo kuli Ndime.”

²⁰⁰ “Elyo bonse Mba kabwenekale, Wa kabaita.” Ta konzyi kwiita ulionse citakuti Wa kamubwene kale. “Bonse Mba kaita, Wa kabalulamika; bonse Mba kalulamika, Wa kabapa bulemu.” Aboobo, nywebo mwabona, tuli akulyookezya kulondokede.

²⁰¹ Lino, Ndi lizi kuti basitulaolao banji loko awa, peseenti ili naintenaini yanu. Pele, langa, ikuti na uyo bweza Eci akumwisywa kuti ta Ndi soli kumwaambila cintucimwi.

²⁰² Mpawo wati, “Ee, Mukwesu Branham, lyoonse Nda kali kuyeeya kuti Nda keelede kucita *ceeci* nkabela Nda kacita *ceeco*.” Kuli lwaandaano luli boobu ii—boobu muli ncico, mukwesu, eco ncoelede kucita *aceeco* nco yanda kucita. Wa kafutulwa, kutali kaambo kakuti wa kajisi cintu cimwi cakucita ancico. Wa kafutulwa nkaambo Leza waka kufutula kuzwa ku malengelo aa inyika.

²⁰³ Amuswiilile. Amuswiilile awa. I Bbaibbele lyakati, mu Ciyubunuzyo. Ndiyo mugwisywa ku citaanzi kusika kuli camamanino eno. I Bbaibbele lyakati, mu Ciyubunuzyo, kuti, cindi cinyama nicakasika, ca kacenga boonse bakkala aa nyika. I cinyama cakacita. “Ca kacenga bonse atala aa nyika, abo bata kajisi mazina alembedwe mu Bbuku lya Buumi ilya Kabelele...” Kuzwida cindi lubukulussyo nilwa katalika na? Sena eco cimvwika kabotu? Ee, kuzwida eelyo mukambausi nakakambauka eyo nkambauko yanguzu? Kuzwa eelyo oyo muntu nakaponesegwa? “. . . kuzwa ku malengelo aa inyika.”

²⁰⁴ Mpaali Jesu mpaka bambulwa, ku Kalivari? Peepe, munene. Jesu wakajaigwa kuzwida ku malengelo aa inyika. “Amubone Kabelele wa Leza, oyo waka jaigwa kuzwa ku malengelo aa inyika.” Leza, ku matalikilo, cindi Na kabona cibi, Wa kabona eco cakacitika, Wa kaamba Ijwi. Elyo Jesu waka jaigwa kuzwa ku malengelo a inyika. Elyo muntu onse waka futulwa, waka futulwa, kweendelana ku Bbaibbele, cindi Kabelele naka jaigwa mu mizeezo ya Leza, kuzwa ku malengelo aa inyika. Wa kasanganisigwa mu lufutuko kaindi. Aboobo ncinzi ncoya kucita kujatikizya Ncico?

²⁰⁵ Ngu Leza. Lilelekwe Zina lya Mwami! “Ngu Leza kabeleka; kutali oyo uuyanda na oyo ucita, pele Leza utondezya luse.”

Ikuti na Jesu waka jaigwa kuzwa ku malengelo aa inyika, cakatola myaka ili zyuulu zyone kacitaninga kucitika mu kasimpe. Pele cindi Leza naka caamba kaindi awa, lyonse Ijwi lya Leza lili tonkomene. Tali cinci. Tali jisi bwaabaule. Tali

konzyi kukakilwa. Elyo cindi Leza nakajaya Mwana kuzwa ku malengelo aa inyika, Wa kajaigwa ncobeni kaindi mbuli Mbwa kali a Kalivari. Calo ncipange cimanide, cindi Leza aamba boobo. Elyo amuyeeye, cindi Kabelele naka jaigwa, lufutuko lwako lwaka sanganisigwa mu cituuzyo, nkaambo Bbaibbele lya kati zina lyako lya “kalilembedwe mu Bbuku lya Buumi ilya Kabelele kuzwa ku malengelo aa inyika.”

Ino kujatikizya ceeco? Mpawo ino uyo cita nzi? Ngu Leza utondezya luse. Ngu Leza waka kwiita. Ngu Leza waka kusala muli Kristo kuzwa ku malengelo aa inyika. Jesu wakati, “Te mwaka—te mwaka Ndi sala. Nda kamusala. Elyo Nda kali muzyi, kuzwa ku malengelo aa inyika.” Mpaawo we.

²⁰⁶ Aboobo, mwabona, oko kugusya kuyoowa kuli kuli nduwe. “Oh, Nda libuzya na Nda konzya ku jatilila na? Njo cibamba, alelekwe Leza, ikuti na Njo zumanana buyo kujatilila.” Takuli kuti naa Nda jatilila, na pe. Cili kuli Nguwe naa Wa kajatilila, na pe. Calo nceeco—nceeco Nca kacita, kutali eco Nce kacita. Nceeco Nca kacita.

Mbuli kunsilya mulao wa lununuko. Eci ncitu ciniini Nce yanda kwaamba kakutanaba kujala.

²⁰⁷ Ino ikuti mbongolo mpwizi yakaindi yazyala kambongolo kaniini? Elyo ako kambongolo kaniini kakajisi matwi abilo akazapaulwa. Ka kacengeme meso, a manteeka, mauu adiimene. Mucila wakwe waka nongomekedwe ncobeni kutozya mu luwo. Ino munyama uboneka bubyaaabi! Baa, kufumbwa umwi . . . Ikuti na ako mkambongolo kaniini kakonzya kuyeeya, kwaamba kuti, “Lino, lindila aniini. Cindi niba kazwa mu ng’anda kuseeni oku, Nda mwaambila, Njo umwa ncobeni mu mutwe. Nkaambo, tiiba kandi sanina. Amulange eco cintu ciboneka bubyaaabi Mbwe bedede. Nse kujana nociba coolwe.”

²⁰⁸ Ee, mbo mbubo. To jisi coolwe. “Ee, Nda kazyalilwa mu inyika eyi, pele langisya awa eco cintu ciboneka bubyaaabi Mbwe bedede. Aboobo Nse—Nse—Nse—Nse kabi coolwe. Nse kacikonzyi. Nse konzyi kucicita.” Mwabona?

²⁰⁹ Pele ino kuti banyina baka yiisigwa ncobeni mu mulao? Walo uyooti, “Omwana, kuli kabotu. Toli mu bupange bubotu, alimwi to eleli akwalo kulya cakulya kuzwa aa nyika. Mbo mbubo. To eleli. Pele, omwana, bumwi bumbi, uli mutaanzi wangu. Elyo, uli zyi, wa kazyalilwa kungsi lya bupati. Elyo mupaizi taka kuboni. Pele, nkambo ka zina lyako, kweelede kuba kabelele kaluleme katakwe kampenda, keelede kufwa mu busena bwako, kutegwa ukonzye kupona.”

²¹⁰ Ee, ako kambongolo kaniini inga kabbansa tusindi twako a kuba a ciindi cibotu. Takubambi lwandaano lumwi mbuli mbo kabede, nkaambo taka bonwi a mubetesi, mupaizi. Kwalo nkabelele ako mupaizi nkabona. Kutali kambongolo; kabelele!

²¹¹ Elyo ngu Kristo oyo Leza ngwa langa, kutali nduwe. Ngu Kristo. Aboobo ikuti na takukwe butongo muli Nguwe, mbobuti mbo kukonzya kuba butongo? Mbobuti Mbwa konzya kujana butongo, kakuli uli fwide alimwi buumi bwako buli sisidwe muli Kristo kwinda muli Leza, bwaka namatikwa ku Muuya Uusalala? “Abo bakazyalwa kwa Leza taba citi cibi, nkambo ta konzyi kubisya.” Mbobuti mbwa konzya kubisya kakuli cituuzyo cilondokede cili bikkidwe mu busena bwakwe? Leza talangi ali ndime, Walo ulanga kuli Kristo, nkaambo tuli muli Kristo.

²¹² Lino, ikuti na Ndila muyanda Kristo, Njo pona a Nguwe. Na taka ndileta mukati Na taaka ndiziyi. Ikuti na Leza wandi futula sunu, mukuziba kuti Wa kali kuyondi sweekelwa imvwiki zili cisambomwe kuzwa sunu, Walo uzunda bukanze Bwakwe Mwini. Nconzyo. Ta zyi nociba ciindi ciza nkokuti, ikuti Na waka ndifutula, mukuziba. Ino Uya ndila nzi kundi futula, mukuziba kuti Uyo ndisweekelwa? Leza taciti obo zintu, mpawo citola kusule mu imvwi zybilo, kuzwidilizya cisyomezyo Cakwe. Cindi Na kufutula, nkwa ciindi a Butamani.

²¹³ Lino, inga wanyanyamukwa, akuti, “Oh, iiyi, aleleke Leza! Aleluya! Nda kaambaula mu myaambo. Nda kaongolola. Nda kaujana. Aleluya!” Eco ta caambi kuti waka Ujana. Pele, mukwesu, cindi Cintucimwi caselukila *awa*, nkabela inkasi yako a Kristo, mpawo micelo ya Muuya yatobela. Tupa bumboni, muuya wesu a Muuya Wakwe, kuti tuli bana basankwa abasimbi iba Leza. Akaka amu citambule Eco, beenzuma.

²¹⁴ Njo mujata okuno busiku boonse, kwaambaula makani aceeco. Nda ciyanda. Nda muyanda. Njo jokela ku cikombelo eci ciniini, ciindi a ciindi, ikuti na Leza uyo vuna buumi bwangu. Ndi yanda kumubona kuti muzyate akubombomana mu Lusyomo olo lusalala. Ta ndiyandi kumubona kutontaikwa konse, ku muuwo onse muniini wa njiisyo uuinda muni, aku muzungaanya, a kuzumanana, a kuba a bulowa busyoonto mu maanza anu, na caanda ciniini ku meso anu, na cintucimwi cimbi, a kubona musyobo umwi wa—wa—wa mimuni kumbele lyabo, a musyobo umwi wa ii—ii cintu cakuliyanda, mbuli Bbaibbele mbo lya kaamba, “Kulikankaizya mu moyo wakwe, akuta bona cintu.” Mbo mbubo. Ndi yanda kuti mutome mu Ijwi. Ikuti na ngu MBUBOBU MBWAAMBA I MWAI, a muk kale a Nguwo, mupone a Nguwo. Oyo ngu Urimu Tamuumi wa buzuba obuno. Leza umuyanda kuponena kuli Oyo. Ikuti na tacili mu Ijwi, mpawo amu cilube. Amuponene Leza, amuponene Kristo.

²¹⁵ Elyo ikuti na moyo wako watalika kuleya konse, ulizi kuti kuli cintucimwi caka citika, pilukila ku cipaililo a kuti, “Kristo, bukulusya lwangu. . . lutangalo lwa lufutuko lwangu. Ndipe olo luyandisyo olo Ndwe kajisi ciindi cimwi. Kula sweka, Mwami. Kuli cintucimwi Nce kacita. Ndibambe kusalala alubo, kwiima. O Mwami, taakwe Nce konzya kucita. Nse konzyi kuleka *eci*

a kuleka *eco*. Nda langa kuli Nduwe kuti ucigusyeye, Mwami, nkabela Ndila Ku yanda.”

²¹⁶ Elyo waka tantamuka kuzwa ku cipaililo *eco*, koli muntu mupya muli Kristo Jesu. Mpawo toka yaamini a mbungano yako, yaamina ku mupaizi wako, yaamina ku mweembeli wako. Yebo uyaamina aa Bulowa bwakatilwa ibwa Mwami Jesu. “Ku luzyalo mula futulwa.”

Atu kombe.

²¹⁷ Mwami, kuyiisya kuyumu boobu! Nciindi eyi mbungano niini ikonzye kulya cakulya ciyumu, kutali kunji kwa mukupa wa Ijwi. Twa kali mu mukupa kwa ciindi cilamfu lino, kupa muvwanda bbodela lyakwe. Pele tweelede kuba a cakulya ciyumu, nkambo buzuba buya bumana. Zindi zipati zikataazya zila fwaafwi, a mapenzi manji alede mu mugwagwa. Alimwi tu lizi kuti takukabi ziindi zibotu loko. Tu lizi kuti tuli ku mamanino. Ziindi ziyo zumanana kubija a kubija kusikila Jesu akaboole, kweendelana ku Magwalo.

²¹⁸ Ta tukonzyi kuba syomezya cintu mu buuni obu. Pele mu buumi buciza, inga twa basyomezya Buumi Butamani kwindi mu Ijwi Lyako, ikuti na bayo syoma Mwana wa Leza a ku Mu zumina mbuli Mulungo wabo, mbuli Oyo Umwi wakaimikila mu busena bwabo, mbuli Umwi oyo wakabweza zibi zyabo. Ko cipa eno.

²¹⁹ Akube kuti batasyomi babe basyomi. Akube kuti basikulimba be mbungano, okuno sunumasiku, abo bakalibanda zya bukombi akupona buyo mu mbungano, akube kuti batambule luzibo a Leza; kuti luyandisyo luli obo luboole mu moyo wabo, kuti baka lilile zibi zyabo, kufwa kuli lwabo, a kuzyalwa bupya ku Muuya Uusalala, a kuba babombe a basibuuya, batondezya luyando, a bazwide lutangalo a zilongezyo. Kabapona buumi obo, mane bayooba munyo loko cakuti bayo citya bantu kuba munsu lyabo, nyota yakuba mbuli mbabo. Ko cipa, Mwami, nkambo twa cilomba mu Zina Lyakwe.

Elyo a mitwe yesu kiikoteme.

²²⁰ Nda libuzya, sunumasiku, ikuti na inga kwaba umwi awa, kwaamba, “Mukwesu Branham, ikuti ni Nda pimwa mu cikkelo ca Leza ku ciindi *eco*, Inga nse, nse, nse konzya kukkwanya *eco* ceelelo nco kanana sunumasiku. Ndi yanda kuti undiyeeye mu mupailo, kuti Nka cince nzila zyangu, nkabela Leza uyo njila a kugusya obu bufuba kuzwa muli ndime akundi bamba kuba Munakristo wini”? Sa inga watambika janza lyako ku mupailo, mbuli mbo, ikuti na ula yanda? Leza aku longezye. Leza aku longezye. Leza aku longezye, oko kusule. Leza aku longezye. Leza aku longezye yebo, munene. Leza aku longezye, mukwesu. Leza aku longezye, mucizi.

Uusalala, Uusalala, Uusalala, Mwami Leza wa
makamu.

Julu a nyika zizwide Nduwe,
Julu a nyika zilumbaizya Nduwe,
O Mwami Sijulu lya Majulu.

221 “Uusalala.” Mbuli mbo yeya lino, kokomba, mbuli mbo limvwa kulamwa kuti wakali bisizye, nkabela uyanda kululama, sa inga watambika janza lyako, kwaamba, “Leza, kondi bamba obo mbo Nde elede kuba?” Leza aku longezye, mulindu muniini. “Leza, kondi bamba obo mbo Nde elede kuba.” Leza aku longezye, mukwesu, mucizi, yebo, yebo, yebo abusena *awa*.

222 Buzuba buya bumana. Ndi lizi nciyumu, beenzuma, pele ncibotu kuziba Bwini lino. Lino komba cakubatama.

Uusalala, Uusalala, Uusalala, Mwami Leza . . .

Walo Ulasalala, alikke.

. . . zwide Nduwe,
Julu a nyika zilumbaizya Nduwe,
O Mwami Sijulu lya Majulu.

223 Taata Wakujulu, mbuli zuba mboli bbila ku mangolezya, tuyuni turobbini tula bungana mu masamu a bayandwa babo. I bayuni boonse balaunka ku ziteente zyabo. I nziba kazyuuluka atala lya mawaya, yaatala, kutegwa nzoka zitano zipenzi masiku. Zila kkala alya a kwelelezya kulila kuli imwi aimwi kusikila zyaunka kuyoono. I zuba lilabbila kumalekelo.

224 Buzubabumwi tuyo selemukila ku oora eelyo. I bubbilazuba buyo citika. Ta ndizi cindi, Mwami. Pele kuli bantu ano sunumasiku abo balamidwe kuti bakabisya, alimwi bayanda kusika ku busena obo, mbuli Lincoln mbwa kasika mbuli mbwa kali kufwa, kati, “Amunyone busyu bwangu kutonzya ku bubbila bwazuba.” Elyo wa talika, “Taata wesu Oyo uli ku Julu.”

225 Mbuli Moody wakaindi mbwakati, “Sa olu ndufu? Obu mbuzuba bwangu bwaku samikwa musyini.”

226 O Yebo Uutamani, batambule ndyoonya lino, ku lusyoma, mbuli mbo bakkede alya mu zyuuno zyabo. Wa konkomona ku moyo wako, ku cuuno. Eco ncipaililo cakwe. Eci nciindi Cako caku batambula, ndyoonya lino. Wa kati, “Oyo uboola kuli Ndime, Nse kamu tandi.”

227 Elyo buzubabumwi cindi zuba lyano bbila, mukaintu na mulumi kaimvwi munsilya bulo, bamadokotela beenda kuzwa. O Uusalala, Uusalala, oko kuumuna, kubotu kunono, kalitana buyo zuba kubbila. Cindi no tukonzya kubuka a kuti:

Nyenyezi ya Kububila a Mangolezya,
Elyo kwiita komwe kuli ndime kuli kabotu;
Elyo akube kuti kutakabi koomoka ku
mungwala
Cindi Nda kulibonya ku lwizi.

²²⁸ O Leza, kocipa kuli mbabo eli oora; kucindi nobalindila, kulindila cilongezo ca Leza kuboala ali mbabo. Gwisya lunyemo lonse, konse kwa inyika, kutantamuka kuli mbabo, a kulenga muli mbabo moyo mupya. Yebo wakati, “Njo gusya moyo wakaindi, akubikka moyo wa nyama. Elyo Njo bikka Muuya Wangu mu moyo oyo, nkabela bayo enda mu mbeta Zyangu a kubamba milao Yangu.” Nkaambo, ni mbeta ya luyandisyo, a kutali bulizi. Lwalo nduyandisyo. Alimwi luyandisyo lula tusungilizya kucicita. Mbulizi bwa luyandisyo, lutu sungilizya. Mbulizi bwesu bwa kutobela luyandisyo. Elyo Nda komba, Leza, kuti Uyo cipa ku moyo onse watambika mitwe yabo sunumasiku.

²²⁹ A baabo bata tambika maanza abo, akube kuti lino balo, ku luzyalo, batambike maanza abo kukutambula Nduwe, a kuzuzigwa Muuya Wako mu nzila eyi ibombe, mbotu, itontola, ya bubombe; alimwi kuzulwa luzyalo, kuzwa ano mbuli muntu wakacinca. Obo bayuni mbo baya kwiimba bwandeene, obo muntuonse uyooba wandeene, kumane oora eli, O Mwami Sijulu lya Majulu.

Uusalala, Uusalala, Uusalala, Mwami Leza
waa nyika,
Julu a nyika izwide Nduwe,
Julu a nyika zilumbaizya Nduwe,
O Mwami Sijulu lya Majulu.

²³⁰ Yebo lino a mitwe yanu kiikoteme, nomwa tambika maanza anu kuyanda kwiibalukwa mu mupailo, sa ulimvwa kuti Leza wakanana kuli nduwe munzila imwi lino, kutali kukulimvwa, pele cintucimwi buyo kuni muli nduwe, ulimvwa mbuli kuti Leza wakupa Buumi Butamani? Uli mvwa mbuli kuti uzwa mu mbungano mbuli muntu wandeene? Sena inga watambika maanza ako kusule sunumasiku? Leza aku longezeye, omwana. Leza aku longezeye, mukwesu. Leza aku longezeye, mucizi. Leza amu longezeye. Mbo mbubo. “Njo zwa ku mbungano eyi, sunumasiku, mbuli muntu mupya.” Bavwanda bazyalwa ono mu Bwami bwa Leza.

²³¹ Ncinzi cakacitika? Ndi lizi ni ncililano ya kuboala ku cipaililo. Eco ncipaililo ca Methodist, malailile aa Methodist, Nge wamba. Aka bambwa mu mbungano ya Methodist, mu mazuba a John Wesley. Takaliko mu mazuba aa Bbaibbele. “Mbuli bonse bakasyoma baka yungizigwa ku Mbungano.” Inga wasyoma kufumbwa nkobede, kubusena bwa kubelekel, okuya mu kagwagwa, ali onse. Alionse, ta cibambi lwandaano lumwi, mbuli buyo mbo tambula Kristo mbuli Mufutuli wako wacigaminina. Ni ncito ya Muuya Uusalala uboola mu moyo wako. Cindi wa Mu syoma, ku Mu zumina, wa kazwa kuzwa ku lufu kuya ku Buumi, nkabela mwaba zilenge zipya muli Kristo Jesu.

Uta ndiindi, O Mufutuli wabuuya,
Lino amwiime ku matende anu.

. . . kulila kwangu kubombe;
Kuciindi Yebo naita bamwi,
Uta ndiindi.

²³² Lino Ndi yanda mwaalumi mukubusyi a mulindu, oyo Ngwe yeeyela kuba mukaintu wakwe, wa tambika janza lyako, Ndi yanda kuti utambike janza lyako alubo kusule okuya; omwana, uusamide bbaki lisubila, a mulindu, abo bazumina Kristo mbuli Mufutuli wabo wacigaminina. I mwaalumi mukubusyi uukkede awa mu whiluceya, wazumina Kristo mbuli Mufutuli wakwe, walimvwa kuti Leza wamu futula. Elyo bamwi kusule omuya batambika maanza anu, abaatambike alubo kutegwa bantu bakonzye kulanga konse, babe a luswaanano a ndinywe.


²³³ Amusukane maanza abo, muntuumwi uli muni, wiimvwi kumbali lyabo. Koamba, “Leza aku longezye. Watambulwa mu bwami bwa Leza, mukwesu wangu, mucizi wangu.” Luswaanano, ndo tu yanda. Leza alongezye. . . Amusukane maanza a mwaalumi oyu mukubusyi awa mu cuuno. I Mwami abe a nguwe. Mbo mbubo. Twa mutambula mu luswaanano lwa Muuya Uusalala.

²³⁴ Ikuti na tamuna bbizigwa, nkabela muyanda kubbizigwa, amuli janine nzila kuyo ambila mweembeli makani ankuko. I ciziba okuno cili jisi akwalo maanzi muli neico, sunumasiku, ikuti na muyanda kubbizigwa. Zintuzyonse zili bambidwe. (Sena mwakali jisi lubbizyo, nekuba kunze?) Pele ciziba cili bambidwe, ikuti na umwi uyanda kubbizigwa. I Bbaibbele lyakati, “Amweempwe, umwi aumwi wanu, aku bbizigwa mu Zina lya Jesu Kristo kuti mujatilwe zibi zyanu, nkabela muyo tambula cipego ca Muuya Uusalala. Nkambo cisyomezyo cili kuli ndinywe a bana banu, bali bali kulaale, boonse Mwami Leza mbaya kwiita.”

²³⁵ Mula Mu yanda? Amutambike maanza anu. [Mbunga yaamba, “Ameni.”—Mul.] Oh, sa Tali mubotuloko? Mwali botelwa buti eli Bbuku lya Bahebrayo? Mula Li yanda? [“Ameni.”] Inzya. Ncibotu. Lino, Nku lulamikwa. Oh, Ndya kusinizya akuyuma alimwi Lili tonkomene, pele tula ciyanda eco. Eyo nje nzila njo tuyanda kuba a Ndilyo. Inga tii twaba a Ndilyo munzila imbi.

²³⁶ Lino, sena mula syoma kuti Paulo waka jisi bwami bwaku Li kambauka boobo? Paulo wakati, “Ikuti na Angelo wasika akukambauka makani amwi ambi, abe mutuke.” Mbo mbubo na? Aboobo tula Mu yanda a moyo wesu oonse.

²³⁷ Lino Ndila lombamba mweembeli kuboola okuno asyoonto buyo, mukwesu muyandisi kapati, Mukwesu Neville, nkabela ulaba a jwi lya kumwaambila. Elyo lino, na Mwami wayanda, tuyo mubona Masiku Bwatatu, a kucita kulibambila kujatikizya kuya

ku busiku bwa mbunga ya Mukwesu Graham Snelling. Elyo mpawo kwa kukambauka okuno kuzumanana, a chipati ca 7 aca 8, obu busiku buboola muli Bwatatu. Mukwesu Neville. 

BAHEBRAYO, CHIPATI CACILOBA 1 TNG57-0915E
(Hebrews, Chapter Seven ¹)

MATOBELANWA AA BBUKU LYA BAHEBRAYO

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa Munsondo mangolezya, Itwi 15, 1957, ku Branham Tabernacle mu Jeffersonville, Indiana, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2021 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubelesegeka kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org